




BIBLIOTEKA

Zakł. Nar. im. Ossolińskich

XVII 1507

August Bielowski

150447



SIMONIS SIMONIDÆ
POEMATIA AVREA
cum antiquitate comparanda

edita ex Bibliotheca

IOACHIMI MORSE

Accedit

VITA ET OBITU

MAGNI IOANNIS SAMOSCHI
PATRONI SIMONIDIS.



LVGD. BATAV.
Typis Iacobi Marci

CLD LDCXIX.

150447

TVTA EST ÆGIDE
PALLAS.

XVII - 1507 - II

ILLVSTRISSIMO AC EX-
CELLENTISSIMO

PRINCIPI ET DOMINO,
DOMINO


OCTAVIANO ALEXANDRO,

DVCI PRONSCENSI,

DNO. MEO CLEMENTISSIMO,

IOACHIMVS MORSIVS

SALVTEM ET FELICITATEM
PERPETVAM P.

 B eo tempore, PRIN-
CEPS LITERATIS-
SIME, quo Nobilissi-
mus & inusitatâ doctrinâ ce-
leberrimus THOMAS SE-
GHETVS BRITANNVS, an-
te decennium me adhuc admo-
dum adolescentem, & Amplis-
simum virum Dominum IO-
ANNEM VVOWERIVM
)? (3 meum,

meum, generis humani, (heu
quondam!) delictum, in pa-
trio nostro solo humanissime
inviseret, & ex Simonidæis his-
ce, quas Serenissimo tuo nomi-
ni consecratum eo, odis, priores
duas à se editas liberaliter obfer-
ret, de iis in lucem reducendis
semper cogitavi. præcipuè cum
perpaucissima tantum earum
exemplaria typis excusa pro-
diisse, nec vnquam illorum vlla
in Bibliopoliis publicitus exti-
tisse, simul intellerem. Quod
meum consilium, ecce tibi, vbi
veteri meo, ac quantum est ho-
minum fidissimo familiari,
MARTINO RVARO, quem
ob ingenium sublime, iudicium
acerri-

acerrimum, & variam atque re-
conditam eruditionem, mecum
olim venerabitur posteritas, in-
dicarem: factum ut non tantum
hic illud cum aliis, quos eius-
dem instituti mei participes red-
dideram, mirificè probarit: sed
& cætera benignè suppeditarit,
quæ istis cum vitâ ac obitu lau-
datissimi Z A M O S C I, Patro-
ni SIMONIS SIMONIDIS
clementissimi, adiecimus, quo
me in proposito meo optimo
confirmaret. Aggressus itaque
serio, quod molitus iam pridem
opus, nec diutius invidiosè de-
litescere penes me immortales
Excellentiæ tuæ gentilis labores
passus sum. Feliciter enim tandē

815
eos, Musis ac Gratiis applaudenti-
tibus, sub tuo, Apollinis nostri,
faustissimo auspicio, in thea-
trum literatorum totius terra-
rum orbis produco. Nam tu
præter Regias disciplinas ac Im-
peratorias artes, non solum eam
exotericarum Linguarum peri-
tiam tibi comparasti, ut civem
te suum Germani, Belgæ, An-
gli, Galli, Itali, Hispani, &c. ag-
noscant: sed & hanc quoque in-
terioris literaturæ singularem
scientiam, ut præ ceteris natio-
nis vestræ, eximias authoris no-
stri dotes, vnicè æstimare queas.
Referens planè nobis in vniver-
sis divinum genitorem tuum,
Tartarorum debellatorem for-
tissi-

ciſſimum, Senátoremque Re-
gni Poloniæ ſapientiſſimum,
quem iam

*--- fama vehit trans æquora, transque
remotas*

*Tethyas ambages, Atlanteosque recessus.
Audijt & gelido, si quæ Mæotica pascit
Sub Iove, vel calido si quis coniunctus
in axe*

Nascentem te Nile bibit.

cuius, vbi meliore mihi otio frui
contigerit, familiam potentis-
simam, & maternam SANGVS-
ZIONAM stirpem antiquissi-
mam, maiorumque vestrorum
egregia facinora, ac propria me-
rita & ornamenta, quæ

--- nec ventura ſilebunt

*Lustra, nec ignotâ rapiet sub nube ve-
tustas,*

)?(5

ſi vitæ

si vitæ meæ fila Lachesis aliquantulum adhuc extenderit, iusto debitoque elogio persequar. Nunc præmittere placuit aurea hæc, ac cum omnibus priscis comparanda Poëmata, cultus erga virtutes tuas cœlestes, affectusque mei incredibilis, quaecumque monumentum: victurum tamen, quemadmodum confido, quamdiu Græcis Latinisque literis honos aliquis in mundo erit. Quod, tu Heros magnanime, pro innatâ pietate à cliente tuo excipe comiter, ac Nestorea, cunctis florens bonis, prosperè vive sæcula, mei in favore perennans.

Festinabam Lugd. Bat. A. C.

MDCXIX. Mens. April.

Ad

AD
CLARISSIMUM VIRVM

DN. IOACHIMVM
MORSIVM

SIMONIS SIMONIDIS

OPARVM ET RELIQVORVM
POEMATVM

Editionem parantem.

Clarissime vir,

Rostquam rancidos aliquot ver-
sus Albo tuo inscripsissem, tu
me velut opum tuarum prodi-
gius quam plurimis munusculis è littera-
riâ tuâ supellectile depromtis ditasti, &
pariter amicitie tua fores mihi homini
nec litterato, nec tamen litterarium osori
aperuisti. Nunquam certè maiore cum
usurâ versus meos exposui, & sœnerator
hîc magnus sum, qui pro vilibus istis
mercibus, pectus tuum amicissimum lu-
cratus sum. Quanquam verò is non sim,
qui Critices studio ullam mihi laudem
com-

comparaverim, tamen semper illos magni
feci, qui cum istis studijs solidam rerum
cognitionem coniungere. Nempe uti Ho-
mericus ille Iuppiter providè res huma-
nas letis & tristibus attemperat, ita Mu-
sarum Deus Apollo, modo prodesse, modo
delectare amat. quorum alterum præ-
stant accuratioris litteraturæ studia, al-
terum ipsarum rerum scientia. Vtrumq;
feliciter coniunxisti doctissime Mors.
Cuius rei testimonia indies luculenta præ-
bes, dum modo utiles, modo iucundos, &
vel solâ novitate gratos doctissimorum
virorum libellos, litteras & commenta-
tiones in lucem edis, quæ tenebris pressæ
nec autoribus gloriam, nec tibi gratiam,
nec lectoribus utilitatem aut oblecta-
tionem sænerare possunt. Nunc verò
dum Editionem paras Odarum & cete-
rorum poematum Simonis Simonida;
gratulor communibus studiis, ad quæ ac-
cessio hæc facta est tuâ operâ & studio.
Ego hisce sequentibus versibus tibi hoc
tuum institutum gratulor & commendo.
Vale vir præstantissime & de bonis benè
mereri

mereri perge. E Museo nostro, duod. Ka-
lend. April. Anno M D C XIX.

Tuus

CASPARVS BARLÆVS

Professor Philosophiæ Lug-
duni Batavorum, & Pro-
regens collegij Illustris-
simorum Ordinum.

I Nſitati carminis novum vatem,
MORSI, reponis, & prioribus ſeculis
Natam poëſin, geſtibusq; Græcorum
Saltata metra barbitis Latinorum
Aptata præbes, Pindariq; delapſum
Ceu monte flumen Italum refers lingua.
At nunc poëta falſus eſſe capisti
Numerose FLACCÆ, docta dum tibi Sappho
Non emulandum Pindari melos laudat.
Ruit ecce Simon axe vel ſub Arctoo,
Numeris ſolutis lege, nec tamen ponto
Facti daturus inſolentis exemplum.
Erepta laus eſt Græciæ, nec Argivis
Iam ſola grefſu Muſa vadit adverſo.
Sequimur Latini, gloriaq; Græcorum
Libamur

Libamus aliquid. Omne quod venit seclū
 Prioris umbra est, æmulumq; transacti.
 Imitamur illud posleri, quod inventum
 Prisci dedere. prima cura maiorum est,
 Nostrū secunda. Tuque Apollinis mystes
 Præclare MORSI, perge sacra doctorum,
 Pressosque luci vindicare scriptores.
 Gratū Promethei non minùs fuit factum,
 Quod Solis ignem commodarit his terris,
 Quā qui creavit. Laudis est perennātes
 Res invenire, sed dedisse maioris.

AD EVNDEM.

Quid obsoletas, Hellas, erigis cristas?
 Aures Latine, corq; quid fodis Musæ
 Lyra, superba, laude? surgit en contra,
 Opprobriumque vindicans it huc Romæ;
 Non ille ab amne Tibridos, nec ex vllis,
 Quas sol benigno lumine irrigat, terris,
 Sed inde, quo Permessidos sacram lymphæ
 Fastidiosi vix tui putent isti
 Manasse guttam, à fonte Vistulæ longè,
 Seque in theatrum celsus eruditorum
 Fert ingeni fulvis SIMONIDES pennis,
 Et

Et voce Dircaum laceffit impune
Cygnum, stupendus orbis illius Phœnix.
O quanta, MORSI, corculum Camænarū,
Politioris arbiterque doctrine,
Et prome conde; quāta, quos amat Phæbus;
Debemus omnes anxia tuæ curæ,
Quæ profuturum posteris nihil terrā
Sinit sepultum, sæculumq; defendit
Contra vetustatē, SIMONIDENq; ipsum,
Non illi ut impar, huic putetur ingrātū?

MART. RVARVS.

Errores operarum.

Pag. 1. lin. 3. lege Ioelis p. 24. l. 8. honores; p.
 25. l. 1. ode 111. l. 11. ode 111. p. 26. l. 3.
 iubar l. 23. alites. p. 27. l. 1. Ode 111. l. 20.
 meta. p. 31. l. 21. cura p. 33. l. 13. Tale p. 36.
 l. 9. Pedem morantem l. 27. frangit p. 37. l.
 10. decus, l. 26. orbi p. 41. l. 5. atque, p. 42. l. 8
 lachrymis sanctissima p. 43. l. 24. instruimur,
 p. 44. l. 2. anteferat. l. 28. Musarumq; p. 46.
 l. 17. pelasgae. l. 20. dabas l. 22. conterere, p.
 47. l. 3. laborem, l. 12. etiam iungo p. 49. l. 11
 beneficii p. 50. l. 1. es l. 20. nonnemo p. 51. l.
 19. provt p. 53. l. 24. mutitationem p. 55. l. 9.
 vestras, l. 25. solatia l. 27. studio p. 56. l. 1.
 seclis, l. 4. versentur l. 15. sibiq; l. 24. nepos au-
 diat p. 57. l. 1. sese p. 58. l. 3. Aspicite vt ve-
 stris in vultibus omnia figunt l. 14. virtutem
 p. 59. l. 2. Pirithous l. 14. communi l. 23. Die
 p. 61. l. 9. mee, l. 13. habiturum, l. 17. Ceckli-
 nium, p. 63. l. 9. ingenio tuo p. 64. l. 8. qu' p.
 73. l. 21. hominem p. 75. l. 25. concedebatur p.
 76. l. 5. assuesceret p. 79. l. 12. expectat p. 83.
 l. 10. disposuit p. 59. l. 18. petere p. 105. l. 18.
 vellet p. 117. l. 20. dele In, &c.

A

ELOGIA
SIMONIS SIMO-
NIDÆ

A
CLARISSIMIS VIRIS
SCRIPTA,

IVSTVS LIPSIVS

Cent. v. Miscell. Epistol. LVII.

Litteras tuas, & quod libro-
rum adiunctum fuit, nimis
libens legi. illas, ab humani-
tate & affectu mei, quem spirabant;
istos, ab eruditione varia, quam præ-
ferebant. Ego mi Simonide, vt de
affectu dicam, pretium laborum
meorum cenfeo à talibus amari: id
est, doctis, bonis, quorum inter api-
ces te pono. vt fama mihi non dixe-
rit (quam & hîc habes) vnum illud
carmen tuum in Imagines Zamoschiana
dieta approbet: quod, ita me Deus,
A erudi

eruditum, antiquum, suave est, & numeros ac phrasim Catulli ac veterum illorum habet. Maeste! spondeo tibi, paucos in Europa (& est ingens poetarum copia, ut apum) paucos, inquam, qui meo quidem sensu sic scribant.

MELETIVS PEGAS

Papa ac Patriarcha Alexandrinus, Constantinopoleos Praeses,

EPISTOLA

AD

IAN. DOVZAM.

HOrum omnium testem atque participem voluit Deus Opt. Max. Georgium filium tuum, cuius nobis adventus consolationem attulit non vulgarem; est enim iuvenis generosae indolis, nihiloque à Patre te, viro & ingenio & eruditione pereleganti, degeneris; adde
mores

mores candidos, progressusque in
 literarum studio non contemnen-
 dos, is secum attulerat literas Eru-
 ditissimi hominis Simonis Simoni-
 dis, quibus iuvenem commenda-
 bat: erant hæ altera consolationis
 mihi pars, &c.

IANVS DOVZA

NORDOVICI DOMINVS

In Epistola

AD

GEORGIVM FILIVM.

SCias magnam me levamenti
 partem eius doloris, quem ex
 fratris tui obitu maximum meher-
 cule ac gravissimum conceperam,
 ex literarum tuarum lectione conse-
 quutum. in quibus illud longè ac-
 ceptissimum de Interpretis illius
 Polonici, natione Armenij, do-
 ctrinâ ac virtutibus quod scribis.

A 2

Nescis,

✱ Nescis, mi fili, quantâ cum animi voluptate illam Epistolæ tuæ particulam ruminaverim, vbi non inodo tanti viri faventiam vltro tibi oblatam gloriaris ac prædicas: verum etiam incomparabilis viri SIMONIS SIMONIDIS benevolentia fore iam pridem tibi patefactas, aditum tibi porro ad doctissimi illius ac disertissimi interpretis amicitiam concinnasse. Maecte ista industriæ indole; Maecte tantorum virorum faventiâ. quam quidem ego pluris æstimo,

*Quam si me liquidus Fortune rivus
inauret.*

Et vero vtrumque meis literis audacter compellaturus fueram, si per negotia Reip. licuisset, ac gratias utriusque nostrum nomine acturus. Merito utique ac lubens. Nunc cessator esse cogor, ac commodiori tempori hoc scribendi officium reservare. præsertim ad SIMONEM SIMONIDEM, quem virum ego
iam-

iamprius exscriptis editis *AEliopæ-*
ne. puta, atque odis pindaricis, tum
Loëlis Paraphrasi illâ Poeticâ multo qua-
sitissimâ, procul diffitus licet, & ve-
 neratus sum & admiratus. O exi-
 nium illum & mei stomachi vatem!
 utrique proinde me tua operâ de
 meliore nota commendari, simul
 apud illustrem Regis Polonici Le-
 gatum, Castellatum dico Halicen-
 sem, me insinuari, atque adeo in
 gratia poni curę habeas velim, &c.

GEORGIVS DOVZA

IN ITINERE SVO CONSTANTIS
 NQPOLITANO

Pag. XIV.

Hic vrbis (de Leopoli loqui-
 tur) plurimum me debere fa-
 teor, quod hic cum SIMONE, SI-
 MONIDE hospitium & amicitiam
 contrahere licuerit: qui vir quanto
 Orchestrae plausu Parnassi callem in-

stiterit, è scriptis eius editis *Æliopæ-*
ne videlicet, & Casto Iosepho, tum Ioe-
lis illâ Paraphrasi satis superque con-
stare arbitror.

THOMAS SEGHETVS

AD

Virum Amplissimum

GEORGIVM MICHAELEM
LINGELSHEMIUM

Serenissimi Electoris Palatini
Consiliarium,

Cum ipsi inscriberet duas SIMONIDIS
odas priores.

DVas hæcce odas V. A. præstan-
tissimo & amplissimo viro
HENRICO WOTTONIO, Britan-
niæ Regis ad Venetos legato, com-
municavit summus vir PAVLVS VE-
NETVS SERVITA; amplissimus WOT-
TONIVS mihi. Eas, numquam (quod
sciam)

sciam) editas, quod sapere supra hoc sæculum viderentur (adeò quidem vt cum Pindaricis contendere audeam, affirmareque nihil vñquam latinè in hoc genere par visum) publici iuris visum est facere; ne mala aliqua manus in servitutem vindicaret, & vt viri aliàs quoque celebris memoria conservaretur. Volui autem in tuo nomine apparere, vt grati mei in illum animi significatio aliqua extaret, cuius in me benigni tot exstant monumenta. De alieno liberalis sui, quod frivola mea excutienti nihil te dignum occurrit. Non es autem rogandus vt coniter suscipias, qui primùm visis adeo captus es vt ultro exemplum posceres. Tantum vero abest vt gratiam ipse conciliatum apud te eam præstantissimis versibus, vt contrà mihi ab iisdem auctum iri putem. Tibi debet nostra ætas quod antiquis paria legit; SIMONIDÆ quod antiquitati non invidet. Vale V. A. &

persuade tibi, meritissimo tuo, omnia tibi in me licere. Hanoviae IV Eid. Ian. c1515c viii.

SIMONIS SIMO-
NIDÆ


Odx dux.

THOMÆ ZAMOSCHIO

IOANNIS FILIO.

O D E. I.

S T R O. I.

 H O M A, tu quidem nunc
Vesceris ævi lenibus auris,
Matris unicus lepor,
Mentem novellam lusibus
Lactans, neque dum sciens
Mærores curamq. severam,
Ætatis ignorantis letus satis.
Tuus interea sator in-

-victum

Victum sponte offerre periculis
 Pectus audet, sanguineam procellam
 Belli arcens patria à sua.

ANTISTRO. I.

Aurea unde terras
 Pax tegat, illi gloria surgat
 Ad plagam volans poli.
 Consuesce iam nunc acribus
 Aurem domitare di-
 ctis, & te tanto genitore
 Dignū incipe gerere. non Decorū tu audias
 Soboles melius patre præ hoc,
 Nec virtutum excelsius olim
 Culmen ascendas, neque letiorem
 Fortune invenias sinum.

EPOD. I.

Quamvis avorum non tibi origines
 Cum ipso nomine condite Polono
 Desint, vetustatis propage ab ultima.
 Sed genitor tuus
 Luce tanta se tulit ante cunctos,
 Præstinxit lumina omnium ut
 Credatur, primusq; dedisse
 Exordium stirpi inclyte,
 Mortalium sortem exuperans, propior
 A S Dñs

*Diis, superum ingenia amulus.
 Age, fili, non tu speculum te ad
 Splendidius potes exigere, (rentis.
 Quā facta attentus servans recolensq; pa-
 Est pulcherrima rerum,*

STRO. II.

*Fama quæ modò astris
 Aequat, opaca nocte teguntur
 Mox, iacentq; proruta,
 Ni oblivionis invida
 Nubem memor auferat
 Musa. huius si me quoque suasit
 Arcum vocalem Parca verax tangere:
 Alacer tibi ego ambrosiam hanc
 Defundam non paupere dextra.
 Plenior tu olim ævi animisque maior,
 Splendores releges tuos.*

ANTIS. II.

*Limpidum per orbem -
 Celi oculum si mittere tentem,
 Sole pulchrius nihil
 Venabor in sudo die.
 Regum neque glorias
 Inter, quicquam laude Bathora-
 a maius emicat meam circa chelym.
 Columen*

*Columen fuit ille & apex
Summus rerum, quo auspice virtus
Arduum cælo caput efferebat,
Florebant cata pectora,*

EPOD. II.

*Ibant feroces vulneribus viri,
Placebantque sibi hostium cruore.
Tuus sed omnes inter exstabat pater,
Dans radios procul:
Qualis ornus eminet inter ima
Dumeta. eum sibi unicum
Rex florem decerpserat, ex quo
Suos honores neceret.
Nec falsus illo præsidio viguit.
Seu fera munera militi-
-æ, seu pax iucunda vocabat,
Ille acies quatere armifono
Horrore, ille animos legū franare lupatis,
Blandus, ferreus idem.*

STRO. III.

*Nomen ad tam amicum
Regis humum prona venerare
Fronte. origo maxima
Vestri ex eo fluxit boni.
Vestra is decora omnia*

*In lucem produxit apertam.
 Ignotus auri lateat incassum nitor,
 Manus artificis nisi so-
 -lers, ereptum carcere ceco,
 Divitum mensis, superiûmq; templis,
 Grato munere dedicet.*

ANTIST. III.

*Viveres saluta-
 -re ô iubar, ô divine Bathoreû;
 Non Polonia hostium.
 Ludus foret. non Dacia
 Quondam tua sat potens,
 Nunc fortuna, (cheu!) pila, supre-
 -mis fluctuaret pressa tempestatibus.
 Spoliata suo veluti
 Navis rectore, equoris omnes
 Fert minas, nudum latus his modò illis
 Aegre saucia cautibus.*

EPOD. III.

*Spiris modò illam immanibus occupat
 Draco ingens, avidè sacrum cruorem
 Passus tuum, & funesta ricta latè hians.
 Nec satis. impete
 Se dedit nostra ad ferus usque regna,
 Gentesque vicinas ruit.*

Haud

Haud impune, haud linquet invltam
 Pestem hanc manus Zamoscia,
 Hic hic mihi te, ô die puer, memorem
 Da, quibus ad mala tanta vi-
 -is ventum; ut lapsum similem post
 Cautior effugias, neque tu- (puli ictum.
 -am etatem temere affligas tanti ad sco-
 Mærens vulneris oram

STRO. IV.

Istius retracto.

Nam macula hæc infestat amicos;
 Quando desinebat in
 Terris diurnare ille Rex,
 Dacis iuvenem suis
 Rectorem linquebat, ut ævum
 Positus tamen sub optimis tutoribus
 Ageret, melior quoad æ-
 -tas maturis surgeret annis.
 Quandiuq; istis stetit institutis,
 Pulchre Dacica res stetit.

ANTIS. IV.

Sed reiecta postquam
 Imperia, excussumq; senile
 Est iugum, & licentia
 Permissa percussoribus



Ferris

14 SIM. SIMONIDE

*Ferri : subito in bonos
Custodes defœvit ensis. (malis.
Hæc porta (prò nefas!) data est tetrìs
Velut aggeribus maria
Ruptis, terras impete pleno
Occupant, latosque boum labores
Vastis gurgitibus ferient.*

EPOD. IV.

*O quisquis istis consiliis modum
Præcinis, nimis ab nimis cruentum,
Non sentis in tuum recasura hæc caput?
Iustitiæ vigil
Cuncta figit longè oculus, suisq;
Apprendit ansis noxios.
Dum sanctis deflectere quæris
Fluxam iuventam moribus,
Exoticis dumq; atteris opprobriis,
Forte tibi ut pateat via
Languentis vitam per inertem
Tutior, ad saturandum animum
Seu dulcedine prædæ, sceptri siue rapinæ.
Idem vulnificus te*

STRO. V.

*Ensis abstulit. te-
cum cecidit lectissimus una*

Flos

Flos virum, patres boni,
 Falmenta Dacia ultima,
 Hausti exitio aspero.
 Nam quis tum non credidit omnes
 Nervos ruentis amputatos Dacia?
 Iterumq; iterumq; tuam
 Appello blanda venia aurem,
 O mei regis genus, ô Bathoreu.
 Vtcunque impia funera

ANTIS. V.

Excitata sunt abs
 Te, tamen immunem fuerat par
 Cedis atque sanguinis
 Servare fraterni manum.
 Hoc fonte tibi malo-
 rum venere examina dira,
 Facemq; Tisiphone adfuit quassans nigrâ
 Tua quæ furiis premeret
 Fata infestis, stare loco nec
 Aut pati tutam sineret quietem.
 Nam quisquis relegat tuæ

EPOD. V.

Vitæ tot Euripos, tot inania
 Momenta, exilique cursum iniqui,
 Rerumq; ceptarum refluxus irritos;
 Dispiciat

Dissipiat liqui-
 -do flagelli ultoris eam esse labem.
 Tu Marte quamvis ferreo
 Par primis victoribus ires,
 Regumq; te alta affinitas
 Bearet, istis praesidiis tamen ad
 Exitia usus es ultima,
 Paenè ad vana insomnia felix.
 Nunc tibi vix misera superest
 Libera sola fugae latebra, obscuri q; recessus.
 Dii recto pede fortu-

STRO. VI.

-nam tuam reponant,
 Et placidi tandem aspiciant te.
 Nec tibi ô sacrum caput
 O debite altioribus
 Orsis iuvenis, suo
 Quem Roma insignem colit ostro,
 Tractare clavum Daciae ingratis datum.
 Lacrimis oneror memorans,
 Quam te indigna morte peremptum
 Praedo periurus rapidè involavit.
 Quod monstrum prius execrer?

ANTIS. VI.

An dolos quibus te

Perculit

Perculit impurus veterator,
 Prodeditque victimam
 Innoxiam inmiti lupo?
 An Punica iussa pel-
 -laciis, nexu regna vorantis
 Vicinia? an tuis perisli animis volens?
 Potiora minoribus au-
 -sus mutare, & quæ nihil ad te
 Attinent, aris melior sacerdos,
 Quàm regum solii capax.

EPOD. VI.

Portum senectæ sit mihi tangere
 Illesa rate. naufragam iuventam
 Turbo protervus vexat insano mari.
 Nec sapere advenit,
 Post nisi exhaustis varia procella.
 Ille optimos cursus tulit,
 Aetatis per lubrica qui se
 Duci manu admisit senum,
 Modumq; fidis consiliis tenuit.
 Dic puer, (tibi nam labor
 Itic sumptus) te mens mea quærit.
 Te licet & genus & genitor, (suprema;
 Et gazæ, & decorent rerum incrementa
 Nec felicior olim

B

STRO.

STRO. VII.

*Te sit unico alter :
 Poscere nil præstantius a Diis
 Hanc tamen potes vicem.
 Mortalium ut germen sumus,
 Cunctis subeunda lex
 Fati, serò ut patre carendum
 Contingat hoc tibi, nec viros inter nisi
 Positum senii ipse satur
 Linquat, tuto & collocet ævo.
 Iam tibi letis spoliis onustus
 Illius perfida nomina*

ANTIS. VII.

*Advenit, tibi ista
 Præmia, mansuros tibi honores
 Congerens. viden' virum
 Quantus præit fumæ sonor!
 Visus acies fugax,
 Ille olim atrox non tulit hostis,
 Alienaq; affectans, suis agrè excidit.
 Avidam cohibere sitim,
 Et mensuram noscere habendi, (umbras
 Magno opus dignum Hercule. sæpe dum
 Maiores inhiat procax*

EPOD. VII.

*Fames, dolosis ingemuit cibus,
 Et mala crepuit patens inani.
 Sed tecti coniugemq; caram, prorsus ut
 Nullo adit ambitu?
 Ut Deum supplex veneratur aras?
 Accepta dona illi ferens,
 Incertum mansuetior an for-
 -tior. Secundent perpetim
 Quicumq; Divi te sibi conciliant,
 O iubar, o columen meum,
 O lux sola, invicte Samosci
 Te te ego saepe bona cumulans
 Affabor laude, & natis Helicone corollis
 Cingam tempora amica.*

GEORGIO ZAMOSCIO

EPISCOPO CHELMENSI.

ODE II.

STRO. I.

A Ge grex sacer, mystæ inclyti,
 Quorum muneris est, Dci
 Aurem carmine blando

B 2

Mul-

Mulcere, & æternam domum
 Enthea insonare voce:
 Adeste, atque fidei mea
 Servate nunc lenem modum,
 Dum novus ingreditur sacerdos
 Tempia hæc, sacrum ut gestet tiara decus,
 Aristq; eam præsit per oram.

ANTIS. I.

Amore nam pectus meum
 Fixit gente Samoscia
 Cretus, cui ego totum
 Me æbeo admissus cliens.
 Solis igneos nitores
 Non est nubibus invidis
 Extinguere. nec olim aurea
 Musa, suis meditata in antris,
 Quicquid venustum protulit in diem,
 Spernit vel hæc vel altera ætas.

EPOD. I.

Laude virtus se æstimat, & beatos
 Ponit inter, hoc b. ere
 Damnum ævi inde rependens,
 Si qui interim tibi p. odit
 Gessans honores cognitos lyra,
 Paucissimum quid sit g. nas,

Ut pon-

*Ut pondus huius nominis impleat,
 O dii quam tamen adibus
 Raris amicè admittitur,
 Omnes dum abuti illum expetunt,
 Gratis algeat ut tamen*

STRO. II.

*Contemptibus frustra improbis
 Attritus. mihi pestis hæc
 Non illuxerit unquam,
 Samosciam ingressò domum:
 Quæ modo unicus patet por-
 -tus virtutibus (heu nefas!)
 Passis repulsam sordidam.
 Sub numerum haut veniant arena
 Quæ latè apricis littoribus iacent;
 Nec quot viros laude eminentes*

ANTIS. II.

*Summa educat Samoscia
 Splendor sit facile exequi.
 Hac Mavortia corda
 Producta venere ex manu,
 Artibus quoque imperandi
 Instructissima nomina.
 Hinc & senati fulgurant
 Culmina, consiliis adultè*

*Patres: sacrorum hinc alma seges virum,
Antislites templis verendi.*

EPOD. II.

*Vestra nunc pars emicat o meam cui
Latus adfero chelyn,
Felix sorte Georgi:
De gente quamlibet tua
Non primus istam tu teris orbitam.
Prævit hoc vestigium
Vel nuper, exactam Gomolinus
Insistens pietatis at-
-que sanctimonia viam.
Vel ante cæcis seculis,
Sanguis vester ut evolat*

STRO. III.

*Procul vetusta origine.
Multi consimilem gradum
Insignes tenuere.
Sed ista maiestas sacri
Liminis, lacunar atq. hoc;
Castum qua inferimus pedem,
Vellit mihi aurem & submonet,
Quandequidem pietas Samosci
Divi hisce THOMÆ nomen honoribus
Mactum esse iussit, & sacravit*

ANTIS. II.

Splendoris admirandi opus :
 Thomæ præsulis ut meo
 Surgat gloria cantu.
 Qui sanguinis vestri fuit
 Germen , usq; tamen remoto
 AEvo, quando Polonia
 Pars Slessia Bresla crevit
 Teutonicas modo quæ inter urbes
 Avulsa nostris stat regionibus
 Adiuncta, tum superbiit pa-

EPOD. II.

-stare tanto. nunc etiam revolvit
 Famam honore candido ,
 Et charta celebri ornat.
 Fuisse nobilem artium,
 Fuisse fluxos frangere qui asperis
 Mores lupatis arduus
 Calleret , indignantia odia inimicor ,
 Virtutem acer ad unicam ,
 Ire obviam raptoribus
 Acer lupis , nec ultimam
 AErumnam impiger aggredi ,

STRO. IV.

Vel usque carcerem ad tetrum.

Tantum exceſſerat impius
 Hoſtis triſtibus iris,
 Ut raptum ab aris optimum
 Traderet ſenem in catenas,
 Fædiſque acciperet modis.
 Per arduum callem vie
 Tendere ad emeritos honores
 Samoſcium eſt. exercita poſt tamen
 Fortuna per verum laborem

ANTIS. IV.

Fixo manet conſtans pede.
 Quondam hac ſorte atavi vigent
 Provec̃ti, neque fatum
 Mutavit in nepotibus.
 Nonnihil beatius te
 Auxit, muneribus datis,
 Sudore partis (Gratia
 Non fugiunt animum tuum, nec
 Sumes ſuperbus que tibi fas vetat)
 Sudore partis eius, in quem

EPOD. IV.

Tota nunc moles patria recumbit,
 Publica q̃ onus rei.
 Durus tu tamen urge,
 Et te exige ultro ad aſpera.

Uſum

*Iustum & laborem præmia post cape ;
 Ne te extulisse vel pudor
 Obrepat illi qui sibi debita
 In te munera contulit ;
 Fortuna vel mutet fidem ;
 Quam continere a quo gradu
 Olim grandius est opus,*

THOMÆ ZAMOSCIO

CAPITANEO KNISINENSI

ODE

STROP. IX.

Musa, veritatis aruum
 Recto sulco findere par est;
 Præcipuè iuvenilem apud aurem,
 Quam blandiens susurrus è mentis slatu,
 Perniciem trahit in pudendam,
 Amore fauciam sui,
 Fallacibus præconiis inescatam.
 Tu committere noli,
 Mendaciorum ut nos temerè arguat
 Vlla ætas, speculo quæ velut in nitido
 Olim reddit conspicuus facies

B S

Di.

Dictorum ineptè aut naviter.

ANTIS. I.

*Solis at inbar, per amplum
Æquor cæli, lampade aperta,
Flammivomum radium iaculantis,
Rectis oculus obtutibus non suscipit,
Ignibus ex nimis tenebras
Et cæcitatem quin trahat.
Imaginum quod levitas, vel undarum
Splendor temperat aperte,
Benigniores visibus exhibens
Vim flammæ, & reprimens oppositis veluti
Lentis umbris, aspicere ut liceat
Solis facem pulcherrimam.*

EPOD. I.

*Tu quoque, o vita inbar, o supremum
Sidus, inclita veritas,
Blandius insinuas capacem
Aurem tui, velo super
Condita, dulcè agitans intus amaritiem.
Qui tuos vultus ferat irretorta
Lumine, hunc fabor superare longè
Promas fulminis alites
Vitabo ego procacem,
Odii creatricem, insolentiam lingue,
Quum*

Quum me cupido flexanima impulit
 Affari unicum alumnum, (latre
 Tentantem primam pennam proferre vo-
 Insolito, & inde erumpere carceribus.

STRO. II.

Gestientem aperta vitæ
 In spacia, ingentesque recessus.
 Magnanimi soboles genitoris,
 Qui portam Olympi contigit virtutibus
 Intrepidis, patriæ parentis
 Nomen potitus arduum,
 Te Thoma, te sili optime, optimo voto
 Fidus prosequar augur;
 Vestigium si ponere in orbitam
 Contendas patriam, culminaq; illius ap-
 -prendas laudum; non labor Herculeas
 Ultra columnas tendere

ANTISTRO. II.

Sit tibi suprema meta
 Hæc utinam conatibus olim
 Ritè tuis se præbeat æquam.
 Nec vana spes nos fascinat, pulchris super
 Principiis, quibus indolem sci-
 -tè perpolivisti tuam.
 Fundamine hoc iactò, nihil caducum, ni-
 -hil

*hil structurum humili orsu,
 Quin editurum splendida nominis
 Sacrarum & virtutum decora omnigena.
 Quum nec parte ista tibi provida mens
 Cari parentis defuit,*

EPOD. II.

*Qui licet fati raperetur, & te
 Orbitatis in aspero
 Linqueret, ancipitiq; lapsu:
 Aetatulam tamen tuam,
 Et studiis, & rectoribus applicuit
 Sedula cura tibi comparatis,
 Qui manum fidā ad genus omne splendo-
 rum nossent tibi porgere,
 Nec tu sequax bonis tu-
 -is defuisti; quin labore perstante
 Ad templa doctrine ardua vectus es;
 Culturamq; iuventæ
 Musarū in gremio posuisti; strenuus idem
 Fingere te duri Martis ad arbitrium,*

STRO. III.

*Quod satu venit benigno
 Nature, aut divinitus haustum est,
 Hoc regnat, longeq; relinquit
 Artes minores anxia solertia,*

Sed

*Sed neque vitigenus latex, nec
 Facunda frugibus sola,
 Sine adiuvante germinant ope externa.
 Sic coniurat amice
 Manusq; nostræ debita navitas;
 Nativog; ortu copia luxurians,
 Connexa ut vinclo vigeant gemino
 Humana cum cælestibus.*

A N T I S T. I I I.

*Herculis nec alta virtus
 Ex Iove quamvis creta parente
 Aetherea se ab origine iactat,
 Citra magistri se extulit peritiam:
 Quin ferule puer ille pressam
 Subduxit usq; dexteram:
 Linumq; doctorem modestus expavit
 Formantem arte severa
 Os, atq; sensus pectoris igneos,
 Et modo frangentem freno animū rigido,
 Lora interdum liberiora habili
 Dantem lupato: quo ferox*

E P O D. I I I.

*Suesceret iussus domitari amicis;
 Seque blandior orbitam
 Mittere cogeret in patentem.*

Simul

*Simul nec Eumolpi manus
 Nec moduli citharæ, nec lyra grandisona
 Defuit, motus solita impotentes
 Sislere, & mentem reparare amœnam.
 Cessavit neque roboris
 Cura interim, nec acre
 Mavortis imperterriti rudimentum.
 Fallente longe certus arundine,
 Quodq̃, excelleret arcu (artus
 Latifero, Eurito didicit monstrante; quod
 Intrepidus luctæ, castibus & latera*

STRO. IV.

*Expedita non negaret,
 Torvo ex Harpalice impiger hausit;
 Indomitos agitare iugales
 Amphitruonis patrius docuit amor.
 Nec puduit residem senectam
 Nati iuventæ impendere;
 Dudumq̃, lento sordidos situm currus
 Prompto extergere ludo.
 Quis nescit armis Castora maximum?
 Sive hostem ferro sternere, sive dolo,
 Seu structas exponere campo acies,
 Seu tuta castra condere,*

ANTIST. IV.

Aut vastram fugam aucupari
 Militia anceps posceret usus.
 Idem eques, idem comminus hasta
 Ire bonus radiante vultu,
 Ensemq; fulminare mistis stragibus,
 Ictusq; scuto fallere.
 Tunc sors iniqua patrio solo extorrem,
 Opportuna sed armis
 Alcide, ab Apo vexerat inclita;
 Ut presto esset, qui talia munia con-
 ferret divinum in iuvenem, & teneram
 Duraret asper indolem.

EPOD. IV.

Qualis herbooso rigue refectus
 Ripa margine flos nitet,
 Quem radio recreat benigno
 Sol almus, & rore educat,
 Aurisq; aspirant egelidis Zephyri,
 Cure nec deest sollicita puellæ
 In dies cultricem operam asferentis.
 Sic per congrua splendida
 Aetatis incitamen- (gem.
 -ta invictus olim Heros migrabat ad fru-
 Matura sed cum flore genam novo
 Puber-

*Pubertas redimibat, (hiberi,
 Ardua nec poterat patrio lare mens co-
 Versabatq; animum præcipiti stimulo*

STRO. V.

*Gloria recens cupido;
 Tunc sonipes veluti satis alta
 Ad præsepia passus herile
 Imperium, strigili inque acutam,
 Duellica si se tuba rancius sonos
 Latè extulit, iam nec pede
 Conflare tranquillo, nec aure non mora,
 Nec vinclis retineri
 Quis amplius; quia pulsat identidem
 Auras huiusmodi clarijono, & properos
 Spernit custodes, lacera impatiens
 Repagula extra provolvans.*

ANTIS. V.

*Sic domo gradum efferebat
 Alcide ardor, mox tenero ungui
 Obvia monstra avidus domitare,
 Latum animo immodico capejens
 Orbem. patris tum senex Linus, simul-
 -que penus exie se soci,
 Suspensa volvens gaudia anxio corde,
 Sic affatus alumnus*

*Sermone fertur candidus aureo.
Fili, dum patrio limine te acceleras
Esferre, & vita aquor in ambiguum
Insueta tendis lintea;*

E P O D. V.

*Accipe hæc nostri monumenta amoris.
Limen hoc, pede quod teris,
Quodq; relinquere gestis, omnem
Ad vitam habet primarium
Momentum; qualem te facie aspicien-
-dum dabis prima, reliquos in annos,
Tali te ævi iudicium sequetur.
Pulchrum splendida frons opus
Insignit, atq; honorem
Diffundit in totius adyta structuræ.
Proinde partes verte oculum vigil
In cunctas, tibiq; instes (optam,
Attentus censor, nequid leve, ne quid in-
Ne quid committas ludibrio expositum.*

S T R O. VI.

*Quum latus tuum tegebat
Nostra cohors, nunquam monitoris
Fidi tanta voce carebas.
Nunc mare velivolum petit tu-
a navis, excipienda tempestatibus,
C Et tur-*

*Et turbinum vasso agmine, (illuc,
 Trahetq; te discors modo huc, modo aura
 Fallentiq; ipsa gubernata.*

*Nec saxa deêrunt perfida, nec latens
 Sub caco scopulus marmore, littoraq;
 Fraudem intendent obvia; saepe etiam
 Tranquillitas blanda obruet.*

ANTIS. VI.

*At tibi cavenda nulla
 Tantopere est rapidissima Syrtis;
 Nulla navifrago ore Charybdes,
 Quantum animi malefana labes,
 Procax voluptas, hac veneno te suo
 Si laeserit; non amplius
 Vllam salutis spem potes tibi optare:
 Quin inglorius ævum
 Turpe supinus desidia inquines,
 Vivaſq; obſcænum mancipium, neq; te
 Vel nomen, vel per celebres tituli
 Exemerint opprobrio,*

EPOD. VI.

*Ne pudor proſtes, populiq; ſanna.
 Huic propinquior altera
 Nec levior ſtudiis nocenda
 Vitanda erit peſtis tibi,*

Blandus

*Blandus adulator, nomine amicitiae
 Splendidum fallens, scelerum magister
 Vnicus, fraudum calidus repertor:
 Quem sanctissima veritas
 Solum disertim abhorret,
 Virtusq; torvo spernit execrans vultu,
 Et fida amicum turba fugit procul.
 At dispendia rerum,
 Labentesq; domos, fortunarumq; ruine,
 Sumptusque immodici, pravaq; luxuries,*

STRO. VII.

*Ponéque imminens egestas,
 Non dubio passu comitantur.
 Nec te decipiat nimium tu-
 -i precium; licet examussim
 Industriæ felicibus præles bonis,
 Nostraque cura creveris (quivis,
 Tàm pulchre, ut anteire te haud queat
 Seu fandi expetat usum,
 Seu expeditam res sapientiam.
 Nec simulacra istec militiæ genita
 Inter lusus, & studia artificum,
 In angulo atque umbra domus,*

ANTIST. VII.

Spiritus tibi superbos

C a

Sup-

*Suppeditent; ut protinus audax
 Mittas te in temeraria damna.
 Multa prius capias oportet
 Ipsa ex arena, multa discas admovent
 Manum, & scientes consulas,
 Credasque demum te peritia experta;
 Festinansq; reventes
 Pedemque morantem; nec simul omnia
 Coneris; neque vota aspera precipites;
 Nec rumorum frigida nomina se-
 cteris, salute præ rata.*

EPOD. VII.

*Qui sibi dux esse vie irrepressus
 Possit, hunc ego Diis parem,
 Nec genere ex hominum putabo.
 Mortalium sors mutuo
 Alterneque vicis nititur auxilio.
 Ille ter felix, meliore qui se
 Parte tutatur, neque vana vulgi
 Ad consortia convolat:
 In putridum neque incli-
 nat parietem, lapsu obruendus alieno.
 Ducem leonem damæ etiam rimi-
 di acri ardore sequuntur.
 Futilis at ductor vastorum corda leonum
 Frangit*

Frangit, & in fœdum deiicit exitium.

STRO. VIII.

*Tu viris ubique adhære
Fortibus, exemplamque modumque
Ex illorum laude capeſſe,
Et ſequere impete pertinaci.
Laboribus, periculisque ſtrenua
Virtus emi deſiderat,
Nec gloriæ impertit decus niſi exhausta
Poſt certamina mille,
Omniemque mollis reſpuit otii
Languorem, ſemper conſpicua egregio
Sudore, inſtans ſemper ubique ſibi,
Nec larga ſomni, non cibi,*

ANTIS. VIII.

*Vulnerum neque abſtinens: quin
Ipſam gaudens ſpernere mortem.
Iam mihi leto in pectore geſtit
Mens avida, & cytharæ loquaces
Chordæ retractat, laudibus ſeſe tuis
Olim ſonoram comparans.
Iam te tuor pulcherrimo cruore auctam;
Monſtrorum domitorem,
Pacem ferentem, atque aurea ſecula
Orbe pacato; iam facies ſclerum*

*Diræ absistunt ; iam mala diffugiunt
Discordiarum turbina.*

EPOD. VIII.

*O mihi tantum senii supersint
Non brevissima stamina ;
Ut satiare oculos tuorum
Satiare factorum queam.
Tum me nec turbet funeris atra dies,
Dulce nec solis iubar hoc moretur,
Letus ad metas veniam sepulchri,
Famæq. hi digiti tuæ ,
Voxque immori haud recusa-
bit. Hac profectus Linus ore cygneo ,
Manante largo sollicita gena
Fietu , non sine missis (alumnus ,
Lætiæ auguriis , cupidum emittebat
Amplexuq. heres, multa etiam atq. etiam*

STRO. IX.

*Submonebat, & senilem
Anceps solabatur amorem.
Nec mihi sit, iucunde Zamosci,
Deterior senii receptus,
Ut conquiescam olim in tuis virtutibus,
Fatiq. tangam terminos,
Laudam tuarū, atque inçlyta satur fama.
Sentis?*

*Sentis? quanta vocat te
 Procella rerum? quo tonitru ruat
 Horrida tempestas? non tibi sese aperit
 Primæ frontis vestibulum facile;
 Sed ultimo discrimine*

ANTIS. IX.

*Patriæ involuta damna,
 Vim rigidam induere, atque salutem
 Duris suadent querere in armis.
 Concipe iam iam animo virilem
 Fidentiam; ætatemque te supra exere.
 Periculum ingens negligit
 Evolvere annorum propagines longas.
 Hortatu obvia quæque
 Non differendo nomina convocat.
 Nec parcit iuvenum pectoribus teneris,
 Nec fortunæ purpureas refugit
 Sedes, superbam vel domum.*

EPOD. IX.

*Nunc ferox iam te sompes parata
 Sublimen accipit aureo
 Stare loco inscius, & lupatum
 Labro remordens. aſt ego
 Cū cytharâ & votis te sequor, atq; viam
 Flore Musæo tibi ſerno, ſoles*

4^o SIM. SIMONIDÆ

*Candidos illos cupidus videre,
Qui te, tum mihi sospitem
Reddent, adorca auctum
Pulchra duelli, fortibus vigentem ausis.
O dii, Polonæ cura quibus rei
Permissa, o prohibete (ruinas,
Æternum opprobrium, tristesq; arcete
Et pacem nostris reddite temporibus.*

ILLVSTRI VIRO,
STANISLAO COMI-
TI DE TARNOVV, CA-
STELLANO SENDO-
MIRIENSI, BVSCEN-
SI CAPITANEO.

CASPAR SOLCIVS S.D.

SIMON SIMONIDES avunculus
meus, pro debita pietate, erga
Heram suam, Barbaram de Tarnovv,
& morti eius interfuit, & funus car-
mine prosequutus est. Id quoniam
nondum in manus hominum per-
venit, iniuriam fieri puto, immor-
talitate

talitate dignissimis virtutibus , & memoria tantæ Heroïnæ. Est quidem Simonides , vel modestior, vel negligentior scriptorum suorum æstimator , atque vt ita dicam , scit parere , nescit partum tollere. In hoc carmine ferre eius mores non potui ; & , vel illo invito, edendum duxi. Credo optimis iudicijs , elegantiam suam æternitati approbabit. Tibi verò Illustris Heros , illud offero; tibi enim præcipuè debetur; qui talem filiam & produxeris , & amiseris; vt hinc, vel dolorem, si quis adhuc ex morte illius residet , abstergas; vel lætitiā , quam ex eius sanctissimis moribus semper percepisti , cumulationem referas. Bene vale Illustris Heros , & me inter clientes tuos reponc.

MANES
BARBARÆ
DE TARNOVV,

AD
THOMAM DE ZAMO-
SCIO,

FILIVM VNICVM.

Non lachrymis, neq; enim lachrymis, san-
ctissima vita
Digna mea est, cineres excipe, nate,
meos.

Nēve tuum luctu crucia miserrabile pectus.

Nam miserum causa non decet esse mea.

Ipsa ego iam cœli regionibus alta capesso

Otia, letitiisq; omnibus ingredior,

Diviniq; fovet piame indulgentia amoris,

Et nitco, qualis lucida stella nitet.

Hoc merui. meruit potius, qui totius orbis

Sive sator dici, sive redemptor amat.

Illum ego perpetuo, dum vixi, sedula honore

Percolui; cultu nunc fruor vsque meo.

Ætereasq; domos habito, cœlestia regna,

Et potior vultu, luminibusq; Dei.

Quo

Quo nil limpidius, quo nil felicius usquam est.

Mortales sensus quod procul exuperat.

Nec sat mente potest, nec visibus usurpari,

Tale ævum lenis cælo agitat pietas.

Nec tu singe tibi quicquam lacrimabile de me,

Nec tetricas curas, concipe corde tuo.

Quin potius, studioq; pio, vultuq; sereno

Prosequere, & fatis linguâ animoq; fave.

Atque mei similem factis te equalibus opta,

Consignasq; istas redde mihi exequias.

Sed non plura tibi de me Sat femina laudi,

Sat famæ debet, si qua silere potest.

Me pietas, me religio me candida mentis

Simplicitas, Divûm me timor ingenuus

Commendet, tibiq; exemplo proponat amico,

Hac mihi te similem parte vigere aveau.

Cætera de Genitorotuo, fortissimâ facta,

Et vitæ illustrem percipias modulum.

Pæne mihi falli dicto evenit: ante! arcentem,

Quod pietate mea me tibi proposui.

Ille quasi inferior præ me langueret in illa,

Dictum hoc est à me femineo ingenio.

Virtutum quoniam nobis angustior usus

Constat; vix vna si satis instruiamur.

Hæc solû primâ, hæc summâ superare putamus,

Querimus hæc aliis posse præire viam.

Vt iactabundas etiam contingat haberi,

Et velle insignes equiparare viros.

Sed meliore viros ditavit copia cultu,
 Frustra illis sexus se minor anteferat
 Nec tu tam nostris avidos, dulcissime fili,
 Quam defige oculos patris imaginibus.
 Ille tibi exemplar virtutum, ille vnicus autor,
 Duxq; sit eximius, normaq; perpetua.
 Seu pietatis amor, cælo te asuescere mentem
 oscet, sola Patris prævia sit pietas.
 Non illo quisquæ gravior, dum accedere Divo s
 Iret, non ficta religione solens.
 Facta q;, lucentem h; animum, tendebat Olympo,
 Innocenti sperans mente placere Deo,
 Plus, quam dictorum fucis, specieq; resicta,
 Et vultu qui se venditat esse probum.
 Quinquæ illum terræ non rarò affligere corpus,
 Vidimus, & nudo sternere membra solo,
 Dum se humilem quærit summo posuisse Tonanti,
 Et servum se eius proiicit ante pedes,
 Nil memor illustres titulos, nil splendida gesta,
 Nil aurum, & vitæ somnia, divitiis,
 Cuncta ferens accepta Deo, pronissimus illi,
 Illi aptus toto corpore, tota anima.
 Quid referat sumptus, quos largè effudit honorè
 Divino, grato pectore munificus.
 Testantur moles templorum, atq; ardua tecta,
 Testantur templis addita tot decora,
 Totq; sacerdotum lectissima complementa,
 Musarum domus divite dote satæ.

Vt mihi

*Vt mihi nonnullus veniat pudor ; omnia calo
Dum videam nostri facta manere viri.*

*Nec morte illius stingui ; quin vsque vigere,
Usque novis semper crescere germinibus.*

Nostra autem , quamvis studio composita fidei,

*Quamvis non sumptus indiga , non opera,
Tentis per mansere, quoad mihi vita manebat.*

Mortua dum filii , consilue're simul.

Premia digna tamen , cælo gratante recepi,

Fama non potui posthuma ferre bona.

Nempe hoc femina non est opis ; incluta rerum

Vitturo monumenta edere cum genio.

Quare age, ne Patris exemplis, dulcissime fili,

Usquam te amoveas, nec meliora petas.

Imprimis pietatem eius, superemq; timorem

Exequere , hinc eius cuncta reposce bona.

Hinc illi pleno locuples opulentia cornu

Manavit, rerumq; aure; prosperitas.

Hinc animi, victrixq; manus, magniq; triumphus,

Hinc splendor toto nominis orbe volans,

Vt patrie pater audiret, columenq; Senati,

Vt fulmen belli , vt præsidium populi.

Et Regum præfulciret nutantia sceptris,

Corculum vt illorum delictumq; foret.

Non alio sese sapientia pectore fudit

Vberius, non fors optima consilii.

Non studium rebus semper conforme iuvandi,

Sive forent certa, sive forent dubia.

Vt Res

Ut Regni oraclum floretet, & anchora tuta,
 Cælo deveniunt tanta favente bona.
 Nunc etiam (sed fata vetant, arcana polorum
 Prodere) nunc etiam maximus inter eos,
 Heroûm qui altis virtutibus enituere,
 inter eos cælo maximus aspicitur,
 Divinæ fulgorem maiestatis adorans,
 Sidereæq; augens agmina militiæ.
 Te quoque nunc spectari ab eo, curamq; iuventutis
 indulgere tuæ, sit tibi certa fides. (est,
 Et meminisse potes, sed enim meminisse necesse
 Quam conformando sedulus in puero
 Te faciat, non tam patris, quam paterni magistri,
 Custodumq; omnes exuperans operas.
 Non lectum lallare, aut balbutire pudebat,
 Non tenerum os primis fingere litterulis.
 Nisi ubi in vocis latine, vocisq; pelagæ,
 Pudebas primas promere primitias,
 Et quantum solamen, gaudia quanta,
 Quanta voluptatis signa repente dabat.
 Te ut commemini piæ letissimamense
 Tempora, tecum vite otia conterere.
 Et non garrere aliquid, semperq; monere,
 Quod & hanc, quodq; aliam instrueret.
 Te ut ille insignem Musis tribuebat honorem,
 Divos illas præcipue ut coleret.
 Te ut eas commendaret, solasq; vocaret
 Ornamenta sua, & delicias animi.

His solis crevisse, his enituisse magistris,
 Sæpè fatebatur, teque rogabat idem
 Sentire, atque illis iustum præbere laborem,
 Nec vitæ spatium ponere de manibus.
 Fac præcepta, patris memori sub corde recondas,
 Præceptis parere, hoc coluisse Patrem est.
 Et bene habet. celso quoties despectat Olympo,
 Doctorum inque choro te videt esse virum.
 Grataturq; tibi, secumq; volutat opimas
 Spes, spondens fore te mox sibi consimilem.
 Fallere non debes iustissima vota Parentis,
 Quæis materna etiam, iungo ego vota mea.
 Iamq; vale, æternumq; vale, dulcissime fili,
 Sisq; memor Matris, sis patris atq; memor.

EPITA-

EPITAPHIVM.

BARBARA DE TARNOW

IOANNIS DE ZAMOSCIO RE-
GNI POLONIÆ CANCEL-
LARIJ ET EXERCI-
TVVM SVPREMI
PRÆFECTI

CONIVNX.

IN CONIVGIO LENISSIMA
MODESTISSIMA

VIRI ET SOBOLIS AMAN-
TISSIMA.

POST CONIVGIUM AD SANCTI-
TATIS MIRACVLVM RELI-
GIOSISSIMA.

IN IPSO ÆTATIS ET FORMÆ
FLORE VIDVA CONSTAN-
TISSIMA.

AD VITAM ÆTERNAM CVIVS
ERAT CVPIDISSIMA
MIGRAVIT.

ANNO CHRISTI M. DC. X.
XXVII. APRIL.

*Esſo memor Matris Thoma dulciſſime ſili,
ſis ſimilis Patri. Fortia facta cole.*

SIMON

SIMON SIMONIDES

THOMAE SEGHE TO
BRITANNO S. D.

S Vavitatis tuæ aculeum mihi reli-
quisti, atque id moribus tuis ad
omnem humanitatem natis. Liben-
ter enim regustare soleo consuetu-
dinem illam, quâ tecum Samoscij
usus sum. Nam opera, quam in
Musâ meâ illustranda posuisti, ma-
gni beneficij instar est, vt tibi du-
plici nomine obstrictissimus sim, &
amicitiæ, & gratitudinis. Sed qui
fit, mi Seghete, vt de te & à te ni-
hil habeam? An tu ex nostris regio-
nibus pedem extulisti? an alicubi in
solo loco hæsisti! vbi, de nobis nihil
audias, nihil requiras. Vbi vbi es,
ego te tamen requiro & vestigo. Lu-
culentius ad te scribam, quum didi-
cero, quo loci te collocaveris. Nunc
chartæ huius iacturam facio: etiam
carminis, quod ad te mitto: siqui-
dem

dem genus hoc visus es amplecti.
Bene vale. Cernenani. Anno 1612.
Decemb. 10.

SIMON SIMONIDES

THOMAE SEGETHO BRI-
TANNO S. D.

SEro tuis respondeo : factum
hoc perpetuis occupationibus
meis , quibus haftenus distinebar ;
tum itineribus , ex quibus nunc de-
mum hos aliquot dies respiro. Pro-
ieceram me in quasdam prensatio-
nes : atque , vt verius dicam , in pro-
curationem otij : nempe vt post tan-
tam iacturam ætatis , quam in aula
feceram , tandem aliquando mihi me
restituerem , & totum Musis me da-
rem. Itaque dum ex istis senticetis
extricor , prensandus , adeundus , ex-
orandus fuit non nemo. Videor
non lusisse operam , & iamiam in
portu constitutum me existimo.
Quan-

Quanquam mihi ætas ingravescens
 iam pridem incubuerit: sexagesimum
 enim annum prope attigimus: ta-
 men benignitate Deum nec valetu-
 dine improspera utimur, nec viribus
 usquequaque deficimus: vigorem
 insuper animi eum sentimus, ut *ἀκ-
 μην* sive ingenij sive industriæ hanc
 mihi nunc demum affulsisse facile
 intelligam, nec dam laboris aut stu-
 dij diminutiunculam ullam experi-
 mur, quia incredibili quodam ar-
 dore & temporis parsimoniam exer-
 cemur, & in libris propè perenna-
 mus. Laudatiunculā hanc mei ideo
 apud te effutio: primum quia in si-
 nu amicissimi hominis: deinde ut
 gaudeas, quod ita vitæ meæ ratio-
 nes subducendas fategerim, pro ut
 tu me plenissima boni effectus epi-
 stola sive hortari, sive monere, sive
 exorare visus es. Laudibus tuis,
 quas in me *ὅλω τῷ θυλάκῳ* effundis,
 plane erubui & pressi conscientio-
 lam meam: immo ut ille in orche-

strâ fortis equus ; quanquam senio
 confectus arrexī ὄρνυ & audeo
 sperare , expectationi tuæ me satis-
 facturum. Iuvenilia mea quod eden-
 da proposueris, obsequar amorī tuo,
 non iudicio meo : ego enim blattis
 & tinceis iampridem illa damnave-
 ram. Tamen tamen, parendum tibi
 est , & conquesta alicunde mitten-
 tur ad te propediem: nam negligē-
 tiam aut vilitatem hac in parte mei,
 non est, quod apud te excusē. Is
 sum plane qui scriptiunculas meas
 nunquam tantī esse putaverim , ut
 ævi oculos sustinere possent. Sed
 ne nimium crudelis in me esse vi-
 dear : quales quales isti libelli , vel
 reiecti vel repudiati à me , quando
 tu ita vis , in lucem , quam semel
 aspexerant , iterum prodeant. Tu
 ut tutelare numen illis sis, etiam at-
 que etiam cogita: ego hic, ut ait ille,
 post carecta latuero , tu in sole &
 arenâ vapulabis. Verum enimvero,
 si te studium hoc erga me & musas
 meas

meas non deserit, te impoſterum ſcriptorum meorum vivus volens Iunonem Lucinam dico, creo, nuncupo: per te & ex manu tua eant dias in luminis oras, per te vitam accipiant, & ſi ita genius vel meus vel tuus annuerit, vivant & ætatem ferant. Non eſt, quod dubites, ne te illorum copia non expleam; ita nunc totus lecturio & ſcripturio. Interim humanitate & amicitia tuâ mirificè conquieſco. Sed heus tu Elegiam hanc vide: amabis illam, ſiquidem Iacobum Soboleſcium amas, juvenem ſpectatiſſimæ indolis, virtutis, eruditionis, quæ bona tanto in illo illuſtiora, quanto rariora in ſummâ fortunâ. Ego inſuper habeo, quod ex illo gaudeam: alumnus eſt diſciplinæ meæ; tam pulchre proceſſiſſe, ſerio triumpho. Bene vale, brevi iterum meas expecta: ego itidem tuas expecto. Illuſtris Mareſchaleus mutationem tranſmittendi inter nos curabit, vir priſcæ huma-

nitatis, atque erga bonas litteras benignissimus. Iterum vale. Hoc amplius. Clarissimo Vackero cupio me insinuari: fac amabo amici officium, & commendatiunculam mei ad hanc epistolam, quâ illius amicitiam ambio, adiunge. Cernenani. Iunii 13. Anno 1613.

IACOB O SOBESCIO
MARCI PALATINI LVBLI-
NENSIS .F.

R Edditus est patrijs tandem Sobescius oris,
Unica magnanimi cura Samosciade.
Non, si illi fratrem germanum fata dedisset,
Tanta avidus reducere letitia exciperet,
Ut nunc unanimi sospes gratatur amico,
Nec potis est pressi gaudia ferre sinu,
Quin usque iniectis amplexibus obvius hæret,
Atque ipsam gestit pandere pœnè animam,
Omniaq; effundit cumulati munera amoris,
O rare magnum fœdus amicitie!
Scilicet hanc Musæ sanctis aluere sub antris,
Candor & à teneris autryt vnguiculis.
Et puritas morum iusto prorexit honore,
Et nullo lapsu contemnerata fides.

Quin

Quin ipsi primædo ortu inseverè parentes,
 Nam quantum Iano Marcus amatus erat,
 Quamq̃ fuit Marcus sincere obnoxius illi,
 Ragina non isthæc dixerit ore brevi.
 O genus heroûm, ô nostri duo numina seclî.
 Vos tamen heu nimium mors properata tulit.
 At soboles vestro de germine candida mansit,
 Candida, non vestris disîta ab ingenijs,
 Inviçtasq̃ simul virtutes æmula vestras
 Et simul insignes æmula amicitias.
 Quantum sese illis hilarasset vestra senectâ?
 Quanta oculis fluereut gaudia, quanta animo?
 Hæc vos læta tamen claro vsurpatis Olympo,
 Non claudit cæcis omnia mors tenebris.
 Quin sole in puro, radijsq̃ perennibus orbem
 Hunc inum, vestras aspicitisq̃ domos,
 Gaudetisq̃ istos iuvenes vestigia vestra
 Imprimere, & navis vivere pectoribus,
 Mutuaq̃ inter se consortia necere vitæ.
 Fas mihi sit Musæ grata referre mea.
 O senium, ô mea tot spargentes tempora cani,
 Multa equidem vobis debeo, lucis amans.
 Quod mihi tã pulchros servastis iugiter annos,
 Nec mea dum tellus lumina pressa tegit.
 Vt liceat vivo salatia tanta potiri,
 Quanta ipsi optarent, qui genuère, patres.
 Et spes non vanas studio depascere opimo,
 Et patriæ certis se recreare bonis.

Omnia nam cūm sint mortalibus edita seclis.
 Disspereantq; vrbes, disspereantq; viri.
 Nec regum, nec regnorum stent libera fata,
 Cunctaq; versantur continuo interitu.
 Hoc se naturæ tamen ex ælissimus ordo
 Sarcit, & hinc rerum germina perpetuat,
 Quòd que deciduo tandem sunt sine perempta,
 Illis succrescunt mox alia atque alia,
 Et se substituunt quasi subducentibus umbris,
 Eq; novo gaudent surgere seminio.
 Sic nova, sub ramis se subijcit arboris altæ,
 Fraxinus, inq; locum matris opaca salit.
 Sic pereuntq; greges ovium, crescuntq; vicissim.
 Sic genitricem exest vipera nata suam.
 Vnda velut rapidis, sibiq; incumbentibus undis
 Perpetuo lapsu se in mare præcipitat.
 Sic genus humanum semper variante propage,
 Alterum ab occasu pullulat alterius.
 Hoc plerunq; tamen vitij intercedit, ut ortus
 Inquinat egregios, deterior soboles,
 Degeneresq; edat sctus immitior ætas,
 Semper & in peius labe fluente ruat.
 Heroum ut gnati noxie, pestesque notentur,
 Vulgatumq; nepos, audiat opprobrium.
 Illos felices nimium, nimiumq; beatos,
 Illos divini germinis esse reor,
 Qui potuere suis innoxia semina natis
 Insperere, & nulla relinquere sorde domum.

Nobilibusq; incrementis se se evexere,
 Qualia vix magnis se sociant opibus.
 Namq; opibus convasandis, atq; anxie habedis,
 Dum noctes, totos indignantq; dies,
 Dum summa in nummis vitæ ornamenta reponit,
 Hancq; vnam natæ dant animam, atq; animû,
 Materiam fastus tumidi, luxusve pudendi,
 Et quæcunque pati prava libido solet;
 Sanctior interea virtus, & splendor honesti,
 Durior & morum regula describitur.
 Hinc malè parta patrû labuntur tẽpore puncto,
 Hinc genus, & generis fama vacillat iners.
 O iuvenes, ne tanta animis assuescite damna,
 Non vestrum est tali impingere principio.
 Vos melior sanguis, vos inclyta facta parètum,
 Splendida vos pulchri nominis aura levet.
 Hoc cultura animi pridem iuvenilibus annis
 Perfècta, hoc Musis præstita sanctè opera
 Suadet, & inducit magnis componere mentem
 Consilijs, nec se mittere velivolos,
 Nec vanas scđlari umbras fervoris inepti,
 Vadere per durum sed rationis iter.
 Hoc spes omnigenæ, hoc patriæ iustissimæ vota,
 Afflicte patriæ heu anxia vota nimis,
 Iure suo, & propius poscunt urgente periculo.
 Cernitis, ut nulla nubila parte vacant?
 Evolat & totam fluctus sorbere carinam?
 Nec remi, nec iam lintea sufficiunt.

Auxilioq; viros longè labor ultimis omnes
 Advocat, & certo flagitat interitu.
 Aspice ut vestris in vultibus omnia figant
 Sese ora, & densi se agglomerant oculi?
 Faustisq; ominibus passim comitantur euntes,
 Et ceu clara poli sidera suspiciunt.
 Vos fore, qui patrum virtutibus equiparetis
 Nomina, quèis constet publica nixa salus.
 Reddere qui pacem patriæ, qui sancta sciatis
 Iura tenere hominum, iura tenere Deum,
 Nec sinere incurfare bonis, quando intonat iras
 Hostica sive manus, civica sive minus.
 Quare agite, & iam iam sudate ingentibus orsis.
 Gloria virtutum querit, & almus honor.
 Tuq; Samosciada prior ardua cepta viâi
 Ingredere, haut fallax alea iacta tibi est.
 Iam grave te Mavortis opus, iâ te hostica castra,
 Iam te Turca ferox audijt, atque Getes,
 Et Scythica ingemuère tuis examina campis,
 Teque sagittarum texerat imber atrox.
 Nec fuga te eripuit; quamvis numerosior hostis
 Ingrueret, quamvis cuncta timenda forent.
 Quin hostem præterlapsam fuga sustulit amens.
 Incipe te patrijs exercere auspicijs,
 Et te victorem semper florere labora.
 Fortuna audentes gnava iuvare solet.
 In partes veniet Sobescius, æmula virtus,
 Et geminos fratres promovet, & socios.

Castora sic Pollux, sic fortem Thesea texit
 Pyritheus, manui sic manus apta subit.
 Sic pede fulcitur pes constantissimus aquo.
 Omniaq; alternâ sufficiuntur ope.
 Audiet hæc longè Zolkievi filius; illum
 Nunc fovet arguto Musa venusta sinu,
 Ambrosiosq; intus rores, & mella reposta,
 Et suade indulget flexanimum laticem.
 Unâ inconcussi momentum roboris addens.
 Ut gerat exacto congrua corda viro,
 Aetatem antevolans, ipsis maturior annis,
 O quanto te olim sat beant comite!
 Quantum ille in patrijs lumen spectabitur oris:
 Communis impendet commenda quanta bono:
 Qualis longinquas ratis ausa accedere terras,
 Vastas trans Syrtes, vastaq; trans maria,
 Mercibus Assyrijs opulens, aut Perside gaza,
 Sistere se gaudet portubus in patrijs,
 Regificasq; effuadit opes; manus omnis ad illam
 Convolat, illam omnes accipiunt reducem,
 Occursusq; procul, leto & clamore salutant,
 Et sibi quisq; optant munificam affluere.
 Dic Samosciada, ne tu clarissimi Divum
 Dona, quibus vestrum condecorant genium
 Ignorare velis, fuerunt quæ maxima semper,
 Nec maiora usus repperit omnimodus.
 Quod tantos numeros cognatis sanguine iunctos,
 Aequalesq; ævo compare suscipias.

Non malè discordes studijs, non moribus atros,
 Quin culto affabrè conspicuos animo.
 Qui tua coniuncto sustentent robore facta,
 Inclyta qui tecum munia participant,
 Sublimemq; ferant cælo communibus ausis.
 Flumina sic proprio parvula fonte cadunt,
 Et tenui rivo trepidant viridantibus arvis,
 Nec sese claro nobilitant latice,
 Hinc atque hinc donec latè auxiliariis undis
 Aucta, protul vasto se æquore proiciunt.
 Sic rex Eridannus fluviorum gurgite pleno
 Crevit, sic flumen, Vistula magne, tuus.

DOCTISSIMO ATQVE ORNA-
TISSIMO IUVENI

GEORGIO DOVZÆ,

Dno. & amico observandissimo.

Nobilissime iuvenis,

Post tuum à nobis discessum,
 pro mutuo nostro amore, solli-
 citum me fuisse existimare debes,
 quomodo itiner hoc tibi cesserit,
 ecquid incolumis petita loca atti-
 geris, valuerisne vsque, & cætera
 eiusmo-

eiufinodi, quæ amici pii amicis ab-
 ſentibus timere ſolent. Tum illud
 veniebat in mentem, domi meæ te
 non tam ampliter habitum, propterea
 familiæ tuæ dignitas requirebat.
 Verum tu tenuitati noſtræ ve-
 niam dabis, & ex animo potius rem
 æſtimabis, non animum ex re. For-
 tunulæ meæ ſi hoc etiam ſcire vo-
 les, apud Heroem meum non peſ-
 ſimè collocantur. Spero me hone-
 ſtiſſimi otij luculentam copiam ha-
 biturum in quo, & in libris vtinam
 mihi conſenſcere contingat. A
 Patre tuo hanc tibi epiſtolam; hanc
 alteram à Bircoveio. Petrum Cekli-
 nium qui tibi has reddit, ſcies eſſe
 ex primarijs Secretarijs Regijs, vi-
 rum optimum, literarum amantiſſi-
 mum, ſi quid librorum MSS. meâ
 cauſâ comparati; ubi hominem mo-
 nueris, pretium dabit & ad me trans-
 feret. Bene valere te cupio. Leo-
 poli Anno 97. Iunij 26.

Tui amantiſſimus

S. SIMONIDES.

NOBIS

NOBILISSIMO IUVENI

GEORGIO DOVZÆ,

*Amico charissimo in aula legati
Angli Constantinopoli.*

S.P. **A**Ntonius vicinus meus
reddidit mihi à te episto-
lam, perbreve illam quidem; sed
tamen quod à te, gratissimam. vel-
lem enim perennem hanc nobis ami-
citiam esse, quæ quoniam inter
absentes vix aliâ ratione commo-
dius retineri solet, quam literarum
frequentia, vsurpemus quæso officij
hanc mutationem. Ego meam vi-
cem non committam, desiderari à
te diligentiam meam. De te iti-
dem mihi persuadeo, obsequutu-
rum te pro benignitate tuâ votis
meis. Itiner hoc feliciter tibi ces-
sisse gaudeo; turbatum tamen non-
nihil à nebulone illo *** dolco;
sed

sed nos improvidi, qui sanum & sobrium quicquam sperabamus ab hoc terræ foetu. Tu ipse videras, quæ mandata acceperat super te ab heris suis : maiori fide nemo commendari potuit. Sed quid facias? mala mens, malus animus. Hoc potius gratulor in familiam te acceptum à viro principe, qui honorem ingenio, tuo habere non spernit. Quid si hoc ita sit? ut læti aliquid dum advenit, semper præcedat, quod velis non evenisse : sed ego fortean refrico molestiam, quam tu iam olim expuisti. Ego etiamnum inter meos vivo, non alio negotio, quam ut illis & eorum rebus provideam. Brevi tamen expediam, & me apud Heroem meum collocabo. Ex ista peregrinatione fructum etiam ad me reditum spero, quâ libris, quâ ceteris rebus. Quæso amicum ut memineris. Bene valere te cupio. Leopoli 6. Septemb. An. 97.

Tui amantissimus

S I M O N I D E S.

A M^r. DE MORS.

Patrice d'Ambourg.

nous donnant SIMONIDE.

S I X A I N.

I E ne vante, de MORS, ton merite ou ta
gloire;
Aussi ne suis-je enfant des Filles de Memoire.
Tant de rares Escripts qu'affranchis chaque
iour,
De la nuit, de la mort, te dressent la colonne;
Par sur tous, SIMONIDE, auquel je fai la
cour
Debattant aux Romains & aux Grecs la cou-
ronne.

DE NEREE Ministre
En l'armee de son Excel.

VITA

VITA ET OBITVS

ILLVSTRISSIMI HEROIS
IOANNIS SAMOSCII
REGNI POLONIÆ CAN-
CELLARII SVPREMI ET
EXERCITVVM DVCIS
GENERALIS,

AVTHORE

ADAMO BVRSIO.

E

IN ARMA ILLVSTRIS-
SIMI MAGNI IOAN-
NIS SAMOSCII supremi
Cancellarii Regni Polonię &
exercituum Ducis gene-
ralis.

TRes hæc tria sunt insignia stemmata vite,
Doctrina insignis, virtus insignis, & inde
Pro meritis veniens vultu fortuna benigno.
His armis aucti Samosciadæ usque triumphant
Aurato curru invecti Capitolia cæli.

ILLVSTRISSIMO AC
REVERENDISSIMO

DOMINO,

D. GEORGIO SAMOYSKI

Episcopo Chelmenfi, Abbati
Czerwenecen. Domino ac

Patrono observan-
tissimo,

Adamus Burfius S.P.D.

S Ermonem hunc meum in
lucem exeuntem, ad te mitto,
tibi que dedico Illustrissime Do-
mine : multis nominibus te
prensantem. Primùm, quia lo-
quitur laudes Samoscii, hoc est,
magni patruì tui : ideò, ut uni-
versæ domus illius, ita laudum

quoque, ad te imprimis pertinet patrocinium & tutela: deinde, quia solus es summus præses, iudex, & patronus huius Academię : quantulumcunque id est, quòd ex illius quasi sinu proficiscitur, id tibi præcipuè debetur. Accipe igitur excellenti illo animo tuo hanc vocem meam, minorem quidem longè quam sunt laudes illius magni Herois, sed illi tamen debitam-Vale.

ORA-

O R A T I O .

SI quis est vestrum , audito-
res, qui forte, ab obitu Illu-
strissimi Herois Samoscii ,
miretur nostrum vertentis huius an-
ni silentium: is obsecro consideret,
quid intersit unum vulnus an plura
accepisse : uno dolore an pluribus
esse consauciatum. Accepit ma-
gnum vulnus Respub. Polonia, post-
quam sublatus illi est magnus Can-
cellarius , magnus exercituum im-
perator , Icannes Zamoscus. Ille
enim fuit arx & murus Regum &
Regnorū Poloniæ , princeps ac cul-
men Senatus , custos legum, defen-
sor libertatum , lumen ac decus ci-
vium , commune perfugium bono-
rum , fulmen bellorum , terror ho-
stium, deliciæ literarum ac literato-
rum. Ad quem communem & pu-
blicum luctum, accessit privatim or-
bitas nostra : quæ coniuncta cum
malo communi , geminato dolore
E 3 simul

simul & ingenium & vocem nobis interclusit. Nunc quoque, si fas esset, quibuscunque ausibus nostris ipsum ad vitam revocari posse, tanti esset non modo lugere, sed etiam de vitæ nostræ demensio vitam illius redimere. Sed quia ille necessitati naturæ concessit, & cœlitus ex hac statione in aliam est vocatus, cum prima forte uti non possumus, utamur secunda; memoria virtutum, præsentem illum nobis faciamus: ab hac parte mori ille non potuit, quem rerum gestarum gloria iam pridem immortalem reddiderat. dum vixit, ærarium omnium bonorum omnibus præstitit: quod reliquit, specilegium est, sed rarissimum & preciosissimum, civibus suis insigne exemplum virtutum. Iam enim minus requiretis peregrina: hîc hîc domi habebitis omnis exempli documenta, in illustri posita monumento: unde vobis Reiquepub. quod imitemini, capiatis.

piatis. Quod multi excudent elegantius, ut est & materiæ & ingenii benignitas. mihi non tam copia quàm modus in dicendo videtur esse quærendus. Quamobrem præteribo, quæ illi cum plerisque multis fuere communia : quod natus fuerit paterna stirpe & materna, avis, atavis, maioribus clarissimis & fortissimis viris. Plena est historia, plenæ voces Polonæ nobilitatis. A quo enim rerum Polonicarum scriptore, non celebratum genus paternum Zamosciorum? qui iam inde ab ultimâ memoriâ, non advenæ in hæc regna, sed indigenæ huius regni, ex stemmate nobilissimo Kozlorogorum nomine dicebantur. Ex quibus Florianus, cognomento Sari, vetustissimum insigne gentis suæ, novo monumento virtutis, auxit & cumulavit. Nam Prussico bello, Rege VVladislao Lokietko, cum inter hostium cæsa cadavera, fortissimè pro patria pugnans, effusis

visceribus iaceret, à Rege id spectante & admirante, ad memoriam sempiternam & decus immortale nominis Samosciani, ad trium hastarum vetus insigne, Kozlorogi dictum, nomen lektorum stemmatis, quod est Samosciorum, est consecutus. Ex hoc genere paterno oriundus, maternum duxit ex antiquissimâ & nobilissimâ gente Herburtorum: qui cum multis tam belliquàm pacis artibus perpetuo successu Rempub. hanc auxerunt & ornârunt, tum imprimis ingenii & doctrinæ gloria illustrârunt. Verùm hæc, ut dixi, Zamoscus cum plerisque multis habuit communia: patris illius certè singularem prudentiam mirari par est. Is fuit Stanislaus Zamoyski, vir per multa militiæ decora clarus: quorum commendatione, primum nobilissimo municipio in Russiâ Belz nominato præfectus, postea in amplissimum Senatus ordinē est cooptatus, Castellanusque

Chel-

Chelmenſis appellatus. Multa huic viro debet cum Ruſſia, parens & al- trix ipſius, regio clariffimorum & fortiffimorum virorum fertiliffima; tum univerſa Polonia: non ſolum ideo, quòd hoc decus & lumen no- minis Poloni Ioannem procreavit: id enim fortunæ eſt: ſed quòd pro- creatum ita educavit & inſtituit, ut primus iter oſtenderit & pateſce- rit, quò eundem fit huic, qui bo- nus & commodus patriæ civis fit futurus: quod ſingularis eſt pruden- tiæ. Quamprimum enim attigit hanc ætatem, in qua pueriles animi primis literarum incunabulis infor- mari ſolent, miſit eum diſcendi cauſâ Craſnoſtavum, oppidū quon- dam celebre, ſed maximè eo nomi- me; quòd illud hominem eruditum Albertum Oſtrovvski, tunc ludi li- terarij præfectum haberet: quo pri- mæ literaturæ pueriliſ præceptore uſus, cùm celeriter æquales ingenii gloria ſuperaſſet, facilè diſciplinæ

illius rivulis exhaustis, ad fontes ipsos ingeniorum se contulit. Erat Gallia tum plena doctissimorum virorum, in quibus illa lumina fuerunt: Adrianus Turnebus, Dionysius Lambinus, Iacobus Carpentarius, Petrus à Penna. qui & quanti Deum immortalem viri? quàm docti, quàm celebres? Turnebum igitur & Lambinum principes ac duces sibi elegit in his studiis, quibus animus ad humanitatem informari debet: Carpentarium in artibus & Philosophiâ: Petrum à Penna in Mathematicis scientiis præceptorem sumsit. Sed quid ego hæc commemoro? num pauci, nostratium quoque, illorum præceptorum ibidem copiam habuerunt? ex quibus tamen neminem Turnebi aut Lambini, aut Carpentarii, aut Petri à Penna, discipulum agnosceres, Iohannem Zamoscium facile agnosceres. Ecquid hoc rei est? Studium, auditores, studium, & arctissima opti-

optimi temporis in optima ætate
parsimonia. Id id interest. Quan-
tum enim alii ab audiendo tempo-
ris dabant conviviiis, quantum aleæ,
quantum pilæ, quantum lusibus, vo-
luptatibusque aliis, tantum ille su-
mebat ad recolenda hæc studia, quæ
ex præceptoribus audiebat : nec so-
lùm tunc, quum audiebat; sed quem
gustum ab illa usque ætate imbue-
rat, eius sapor, ut ita dicam, ad ulti-
mum usque vitæ spiritum in eo per-
duravit : verissimeque de illo dicti
tabatur, quod de sapientissimo si-
mul ac invictissimo Imperatore Ro-
mano Scipione Africano dictitari
solitum traditur : nunquam minùs
solum fuisse, quam cùm esset solus:
nec minus ociosum, quam cùm es-
set ociosus. Sive enim domi, sive
foris, deambulando, iter faciendo,
in castris, inter arma, ac tela, per-
dius, ac pernox, quantum ocii con-
cedatur vel ab requiete corporis, vel
à negotiis Reipub. totum ad reco-
lenda

lenda literarum studia conferebat: & hunc reditum ad literas iucundissimam sibi esse animi requiem prædicabat. Adcò à teneris aſueſcere multum eſt. Verum ut ad id, quod coëpi, revertar. His optimarum disciplinarum velut mercimoniis ex Galliâ deportatis, inſatiabili quadam diſcendi cupiditate inflam-matus, Patavium venit : in urbem celebrem, atque eruditiffimis hominibus, ſtudiisq; affluentem. Ex hac pleroſque nobilitatis Polonæ nuper vidimus adferre ſolitos doctrinam, ſubtilem illam quidem, & acutam, ſed abhorrentem ab uſu huius Reipub. ex qua nihil neque ad communem afferre fructum, neque in aſpectum Reipub. lucemq; proferre poterant. Samoſcius autem, cùm ſibi perſuaſiſſet, nihil eſſe in vitâ tantopere expetendum, quàm laudem divini numinis, & patriæ felicitatem: ut ea copiis locuples, opibus firma, gloria ampla, virtute honeſta

necta sit: ad iurisprudentiã animum
appulit, quæ regendis populis, ad-
ministrandæ Reipub. maximè una
scientia est comparata : eam igitur
veluti ultimam manum studio im-
posuit. Interea cum de ingenio eius,
& singulari eruditione in dies fama
crebresceret, omnes, quicunque de
ingeniis aliquid iudicare poterant,
certatim sese illi applicuerunt : ac
unanimes consensu principem iuven-
tutis literatæ, Rectoremque Acade-
miæ Pataviæ creaverunt. Quo mu-
nere cum ingenti laude decurso,
quum iam abundans præceptis, in-
stitutisque optimarum artium, ma-
turus videretur rebus gerendis, pa-
triæ amor in Poloniam illum revo-
cavit. Nunc demum is mihi campus
esset orationi : si modo possem pro
magnitudine hominis, magnitudi-
nem orationis afferre : sed quum
parem non potero, pro re natâ,
quam potero, postquam cepi, prose-
quar. Tria ego existimo esse in cive
principe,

principe, quæ qui habeat, non ego illum quidem, ut noster ille, Deo simillimum iudico, sed cum illo comparo, quo post homines natos nec maior vir, nec nobilior, aut clarior civis esse potuit. Ea sunt: doctrina, virtus, felicitas: quæ omnia in multis aliis mediocria vel legimus, vel accepimus, in Samoscio omnia summa vidimus. Conscii sunt doctrinæ, & eruditionis illius, quicumque ad eum, vel cum eo unquam sermonem habuere. Quandoquæ & quotienscunq; ad eum verba fiebant latina, illa, quæ ex tempore respondebat latinè, latiora & cultiora erant, quam ea, quæ ab aliis, qui non mediocri nomen ex literis habebant, meditata, ac parata afferebantur. Quæ verò cogitatè accurateq; scribebat, ea sic probabantur, ut ad veterum scriptorum laudem pervenirent. Documento sunt scripta eius, cum magno æmolumento rei literariæ in lucem edita.

edita. De Senatu Romano liber: quo admodum adolescens eruditissimam criticorum gentem conturbavit. Quid enim illis accidere potuit magis inopinabile, quàm iuvenem in ultimis Septemtrionibus natum, quos illi barbaros vocitant, id opus conscripsisse, quod senes, in omnium literarum luce natos, necesse fuit admirari. Sed virtus nec ætatem expectat, nec locum moratur. Dedit igitur specimen, qualia & quanta sint ingenia nostrorum, si ritè educta excultaque fuerint. Extat illius etiam opus legum & institutorum Academiae Patavinæ, quod antè dispersum & corruptum collegit, ordinavit, recensuit, edidit. Argumentum ingens, quantus erat futurus patriarum legum peritus, qui peregrinarum tantoperè fuit studiosus. Extat elegantissima oratio illius edita, quâ usus fuit ad Henricum Valesium, quando legatus à Repub. Polonâ missus, ipsum ad imperium

in

in Poloniæ Regnum vocabat. Artium verò Philosophiæque cognitio planè in eo fuit admirabilis. Quicquid enim à Græcis vel à Latinis ingeniis egregium, & doctrina scientiaque dignum literarum monumentis proditum est, nihil est, quod ille non viderit, legerit, planeque perceperit, sed etiam tenacissimè meminerit. In quo tantus fuit, ut sæpenumero nos ipsos in ruborem daret: qui assiduè in libris habitantes, nocturnâ atque diurnâ manu, scripta doctorum versabamur: neque tamen ex iis ita facilè, quoties usus venit, prompta parata nobis sub manum veniebant, quàm illi, qui ante multos annos hæc ipsa cognoverat. O diviniorem quàm Themistocleam memoriam auditores! Itaque cum iam totum Respub. haberet, quæque summa erant, tam bello, quàm pace gereret, unicam tamen & referebat, & ostendebat, in fluctu negotiorum, animi recreationem,

nem, in Academiam, quam in patrio solo condidit, ventitare: nobilemque iuventutem non solum præsentia excitare, sed etiam voce hortari; nec voce solum, sed disputando experiri: cum Philosophis, de Philosophia, philosophicè: cum Mathematicis, de Mathesi, mathematicè: cum Iurisconsultis, de Iurisprudentia, consultissimè. Idque unico hoc nomine se factitare & dictitabat, & declarabat, ut iuventus Polona intelligeret, ex quo fonte illa, quæ summa omnia in ipso erant, hauriret: hincque persuasum suo exemplo haberet, nunquam nec se potuisse, nec quenquam posse principem in Repub. extare civem, ad cuius naturam eximiam atque illustrem, ratio ac conformatio doctrinæ non accesserit. Quæ cum maxima in illo esset: ab ea tanquam à fonte manabant, quæcunque sive pace, sive bello, pro salute huius imperii, pro vita civium, proque

universa Repub. ab eo gesta fuerunt. Quod ipse sæpenumero prædicabat, se quicumque, & quantuscunque esset, omnia optimarum artium studiis accepta referre. Eorum enim decursis spatiis, ex ingenii doctrinæque celebritate cognitum ac commendatum, Sigismundus Augustus, Poloniæ Rex, in collegium Secretariorum suorum cooptavit: atque protinus inter primos huius ordinis habuit, moxque, quod regis sapientissimi erat iudicium, Samosicii verò summa in suscipiendo dexteritas, in agendo sedulitas, in conficiendo felicitas, non solum regio tabulario, quod Archivium dicitur, ipsum præfecit, sed brevi Capitaneatu Belzensi ornavit. Nec post unquam vel regem impositi, vel Samoscium suscepti muneris poenituit. Sicut attentus ad rem paterfamilias, nactus agrum fertilem illū quidem natura, sed propter aratorum pigritiam, nec cultum, nec fructuosum,

Quoſum, intellecta ſoli bonitate,
impenſe operam faciendo, incredi-
bile quantum horreum frumenti
congregavit. Ita Samofcius, quæ-
cunque antea in actis publicis, pul-
cherrima illa quidem, & maximi
momenti, ſed veluti moles quædam
indigeſta, per incuriam, ſuppellex
iacuit, illam recenſuit, diſponuit, or-
dinavit. Qui labor illius non ſolum
Reipub. bono fuit, ſed ipſi privatim
etiam in magnum emolumentum
ceſſit. Quod enim diſcrimen eſſe
putatis inter eos, quos Reipub. in
ampliſſimo dignitatis gradu collo-
cavit: ex quo tamen cum de Reipub.
conſilia ineunda, ſententiæque di-
cendæ ſunt, alii muſſant, alii pedi-
bus in aliorum ſententiam eunt, alii
ita loquuntur, ut nec caput, nec pes,
ut eſt in proverbio, eorum oratio-
nis appareat. Samofcius autem, om-
nibus Reipub. temporibus, iure ſuo
potuit dicere idem, quod Apolli-
nem apud Ennium dictitali tradit //

Orator ille, se esse eum, unde sibi populi, & reges, & omnes cives consilium expetunt. (quit, ex

*Suarum rerum incerti, quos mea ope, in-
incertis certos, compotesque consilii (das.
Dimitto, ut ne res temerè tractent turbi-*

Verissimum enim oraculum fuit ci-
vitatis Polonæ: ad quod ora sua
populus Polonus convertebat, ex
cuius ore pendeat, à quo compos
consilii, & rerum suarum, in quas-
cunque ille incubuit, certus redibat:
ex cuius ore melle dulciorem au-
diebat orationem. Hoc discrimen
est, hoc auditores, quod Samoscius
ad summam scientiam rerum uni-
versi sæculi, ad cognitos & perspe-
ctos omnium gentium, nationum,
populorum, ex monumentis litera-
rum, mores, leges, instituta, consue-
tudines, ad id, quod intelligentia
penetravit, & notitia complexus
est, omnium omnis ævi Rerumpub.
ortus, incrementa, motus, conversio-
nes, occasus, earumque prægressus,
&

& antecessiones, causasque omnes in memoria habuit: ad hoc inquam adiunxit accuratam & exquilitam rerum domesticarum cognitionem: sine qua nemo, qui, & ubi sit, potest agnoscere: sed semper tanquam hospes & peregrinus in sua civitate versabitur. Samoscium autem verissimè vivam bibliothecam fuisse, possis affirmare. Ille atates patriæ, ille iura publica imperii, ille privata civium, ille domesticam, ille bellicam disciplinam, ille fœdera cum vicinis populis, pacta conventa cum sociis sciebat: omnium denique humanarum divinarumque rerum notitiam habebat. Felicissimè igitur per eum Respub. omnia & loquebatur, & agebat: nihil ei novum, nihil inopinum, nihil difficile, nihil arduum erat: omnia animo præcepta, præmeditata, pertractata gerebat: ad omnia Reipub. tempora, casus, pericula propè sub manu & consilia, & remedia inveniebat. Verùm

non solum præsentia bona, vel mala, sed quod multò divinius est, futura, tanquam ab altissima specula, ab excelsa animi sapientia videbat luculentissimè, denunciabat certissimè; nunquam perplexus, nunquam obliquus, nunquam falsus. Hoc est, hoc, auditores, demum sapientem esse, non modò, quæ ante pedes sunt, videre, sed longè in futurum prospicere, ut dixit ille. Hunc talem, ac tantum, magnus ille animo, sapientia, virtute, Stephanus Batto-reus Rex Poloniæ, postquam ad imperium venit, diligenter quæsit; morum, consuetudinum, legum, iurium, totiusque Reipub. gnarum: sine quarum rerum scientia Rem-pub. dextrè gerere videbat se non posse. Maiorem invenit Samoscium, quàm quærebat: non solum in pacis artibus consultissimum, sed in bellis fortissimum, felicissimum, ut vidit eum, ut cognovit, omnibus dignatus est, quibuscunque maxi-mis

mis potuit , quæ summæ illi virtuti
debebantur. Fecit cum imprimis
legum omnium tam publicarum ,
quàm privatarum huius imperii cu-
stodem. (is enim legibus, & mori-
bus Poloniæ est supremus Cancel-
larius) Magnum me hercule munus,
tantique momenti, quanti sunt ipsæ
leges: salus nimirum, ac anima civi-
tatis, verum nulli , quàm Samoscio
convenientius, qui ipse anima, ut sic
dicam, fuit legum, ac iuris. Putabant
plurimi nostrorum imperiti rerum
quidem, sed prompti manu, & ferro
viri , longissimis spatiis à se disita
esse ista, Minervam & Martem, lite-
ras & bella , libros & tela , nec in
unum concludi posse. Verum lau-
datissimè sapientissimus Rex iudicio
suo illorum stultitiam condemna-
vit : Samoscus virtute refutavit:
Regis iudicium mirificè comproba-
vit. Creatus enim à Rege Impera-
tor exercituum , Deum immortalem!
quæ , & quanta documenta dedit:

non frustra ab antiquissimis, iisdem-
que sapientissimis, Palladem arma-
tam statui solitam. Tanta Impera-
tor in omni genere belli fuit; præ-
liis, oppugnationibus, totiusque bel-
li instrumentis, & apparatu: ut ne-
minem ducem post exortam Polo-
niam parem, neminem eorum, quos
uipiam legimus, maiorem extitisse
unquam ostendere habeamus. Qua-
tuor censet ille has res in summo
Imperatore inesse oportere: scien-
tiam rei militaris, virtutem, auctori-
tatem, felicitatem. Quæ res ex his,
obsecro, illi defuit, aut potius quæ
non summa in illo fuit? scientia cer-
nitur in exercitu ducendo, in castris
metandis, in locis capiendis, in ur-
bibus, ac arcibus obsidendis, expu-
gnandis, capiendis, in arte conci-
liandorum hominum. Quis illo in
his omnibus fuit scientior? qui
omnibus bellis, quæ à regibus
Poloniæ hac tempestate, qua vixit,
gesta sunt, non interfuit solum,
sed

sed etiam præfuit. Qui Imperator
plura bella gessit, quam alii lege-
runt: plures urbes cepit, quàm alii
viderunt: plures victorias rettulit,
quàm alii concupiverunt: plures
triumphos egit, quàm alii spectave-
runt: &, quod divinum est quid-
dam, sine ulla unquam offensione,
nulla suorum iactura. Nec sine caus-
sa. Nihil enim unquam egit, nihil
est molitus, quod non prius consul-
tum, cognitum, exploratum habe-
ret: opportunitates, loca, tempo-
ra, accessus, recessus sciebat. Ne-
mo castra metari elegantius, nemo
loca capere opportunius, nemo præ-
sidia collocare tutius, nemo acies
instruere melius ipso potuit. Nun-
quam igitur victus, semper victor:
nunquam offensor, semper trium-
phator extitit. In oppugnationibus
verò, ubi fossæ ducendæ, ut tan-
to intervallo, tanta vi unumquod-
que bellicum tormentum muros
ferire, penetrare, diruere possit,

Archimedeæ arte circuli, trianguli, aut quadrati usu, tum aliis instrumentis conficiebat: Hinc fiebat, nullam tam munitam esse potuisse urbem, aut arcem, quæ virtuti illius esset inexpugnabilis: ut ad quamque venit, vidit, fregit, vicit, cepit. Virtutem autem illius, quis satis aut demirari, aut verbis consequi possit? Laborem in negotiis, fortitudinem in periculis, industriam in agendo, constantiam in perficiendo, longè maiorem, quàm in Pompeio. Laudatur Alexander Macedonum Rex, & maximus omnium Imperatorum iudicatur: & iudicatur non à Phormione aliquo, qui nunquam ipse castra, nunquam hostem viderit, sed ab Annibale summo ipso Imperatore, qui in castris natus, in castris educatus, cum Romano populo totius orbis terrarum victore, multos annos de imperio dimicavit: laudatur, inquam, ex eo, quòd parva manu innumera-

biles

files exercitus fudisset, quodque ultimas oras, quas vivere supra spem humanam esset, peragrasset. Sed si Annibal reviviscere, & bella ab Alexandro gesta cum iis, quæ à Polonis duce Samoscio gesta sunt, quasi ad trutinam examinare posset, sententiam mutavisset: & palmam ab Alexandro ad Samoscium transtulisset. Quid enim? tantus Imperator non facile sensisset, quid interesset cum Dario homine enervato deliciis, fracto voluptatibus, exarmato ignavia, & cum Ioanne Basili- de viro multis domi, ac militiæ rebus clarissimo bellum gerere. Huius potentissimi Europæ, Asiæque Regis Stephanus Battoreus Poloniæ Rex, duce Samoscio, innumerabiles copias parva manu fregit, vicit, ad accipiendas à Polono populo leges compulit, Livoniam ab eo recuperavit. Sed ubi locorum? Deum immortalem! ad septentrionis usque oras ultimas, loca sylvarum solitudinibus

nibus invia, cœli crudelitate inhospita, dura nive, ac gelu horrida. Vbi ei non solum cum bellicosissimis hominibus illi cœlo familiarissimis, sed cum ipsâ locorum natura usu venit pugnandum. Verum in isto bello, quanquam ductu Ioannis Samoscii non modò affecto, sed etiâ confecto; quia tamen divi Stephani Regis non modò auspiciis, sed etiam auxiliis gesto, cui ille heros fortissimus, non solum præfuit, sed etiam interfuit, nonnihil potest magnitudo talis, ac tanti Regis de laudibus Samoscii delibare. Si ista laudum delibatio potest appellari, ac non potius summa laudum accessio, quod sapientissimus simul, ac fortissimus Rex vidit, & iudicavit, a se tale ac tantum bellum confici non potuisse, nisi tali, ac tanto viro usus in eo gerendo fuisset. Sed ad ea veniamus, quæ proprio Marte ab eo, etiâ sine Theseo, ut est in proverbio, ipsum summum fuisse Imperatorem
mirificè

mirificè comprobârunt. Mortuo enim Divo Rege Stephano, & Reipub. ad interregnum lapsis temporibus, hic solus fuit, qui, ut coelum Atlas humeris portare traditur, sic ille res Polonas sustinebat. In maximo comitiatu ad VVarſchavian, cùm pro legibus contra libidinem, pro libertate contra ſervitutem, pro iure contra vim, pro imperio contra factionem fortiffimè ſtetiffet: effecit, ut maior, & melior pars civium, liberè, atque ordine poſſet, quæ ſentiret de ſumma Repub. ſtatuerè. Omnibus igitur imperii Poloni ordinibus ſuffragantibus, legibus, & more maiorum, designatus eſt Rex Poloniae iſ Sigifmundus tertius. Sed cùm adverſa factio contra ius, & fas, Maximilianum Archiducem Austriae designaſſet, datum eſt à Repub. Ioanni Samoſcio negotium, videret, ne quid detrimenti Reſpub. caperet. Is, ut ſuit legum cuſtos vigilantiffimus, libertatis deſenſor acerrimus,

Craco-

Cracoviam proficiscitur, sedem ac
domicilium imperii Poloni designato Regi Sigismundo, servaturus.
Quid multis opus est? ad arma cum
Maximiliano ventum est. Maximilianus copias, Cracoviam oppugnatione incessantes, ad ipsa urbis moenia fundit: ipsum Maximilianum novo, ac valido exercitu auctum, ad Bicinum consequitur: signis collatis vincit, capit, in triumpho Regi suo sistit. Quae unquam fuit victoria illustrior? pro quibus illius cum de patria, tum de Rege suo meritis, Deus Opt. Max. tanta cum auctoritate munivit, ut nemo postea hostis, non modò arma illius, sed nec vultum quidem potuit sustinere. Scytarum gens barbarie immanissima, multitudine innumerabilis, bellicosissimo suo Imperatore Castigero, fines imperii Poloni transire tentavit. quam adversus, rapta valde exigua manu suorum Samoscius, ad Cicoram castra est metatus. Inter maximos impera-

peratores ponitur Pyrrhus, quòd castra metari scierit, quis scientius illo tempore castra metari potuit? Vt iis solis hostem in armis exercitissimum, in præliis fortissimum, ac potentissimū, conturbaverit, terruerit, perculerit: efficit hoc Samoscus. Si in eorundem summorum imperatorum numero statuitur magnus Alexander, quòd paucā manu magnas hostium copias funderet, quis minore manu maiores copias unquam profligavit? octuaginta millia Scytharū in armis fuere: quos Samoscus tribus Poloni militis millibus infestando, iaculando, cædendo, ita afflixit, ut pacem petere, arma ponere, leges accipere, victore Samoscio necesse haberent. Quod si quispiā est, qui hoc sibi vindicaverit, in aliis certe potuerit, quibus vinci & servire non est novum, in Scythis non potuerit, quæ sola gens ex paucis nunquam fuit perdomita. Verū abhinc protinus vix respirare,
&

& paci morem ponere datum est, ecce Daciae ulterioris tyrannus Michael, omni copiarum genere abundans, Daciam citeriorem, populi Poloni provinciã aggreditur. Quid dicam, spiritibusne hostium populi Poloni, an insolentia affluentis perpetuò fortunæ inflatus, aut potius intus, tam audax facinus aggressus fuerit? Sed credibile est magnitudine copiarum, quas numerosissimas, ex bellicosissimarum gentium populis, trahebat; fretus magnitudine victoriarum ex potentissimo Asiae tyranno Turca toties deportatarum elatus, in hanc mentem est impulsus. Felicissimus futurus, si ex alio mustaceo, ut est in proverbio, laureolam petere voluisset. Quid enim eo esset felicius, si importunissimum Christiani nominis hostem Turcam coercere, distrahere, infestare, exterminare perseverasset? certe immortalem suo nomini gloriam comparasset. Verum nescio

nescio quæ mala mens ipsum impulit, ut potius segetem ac materiam gloriæ suæ relinquere, quam dedecoris & ignominiae labem quærere maluerit. Quid enim aliud quæsiuit? Trahebat secum Moldaviam, Serviam, Transilvaniam : sed paucis velitationibus vim ac robur nostrorum expertus, quamvis paucorum, ducis vero nomine consternatus, loco motus est, receptui intra cavernas montium & sylvarum cecinit. Ad Thelesinum loco munitissimo capto, exercitu instructo, prælii copiam fecit : sed signis collatis, mox acies eius inclinata, ferre virtutem nostrorum non potuit : hostes fusi, fugati, multa millia cæsa, ipse Michael per iuga montium cum paucis in Vngariam fugit. O singularem imperatoris nostri virtutem auditores : Scandebergus in eo renatus dicebatur : Turcarum, Vngarorum, Germanorum, plures ac validos exercitus toties fuderat : is qui primò
G adven-

adventum Samoscii ferre non potuit, vim sustinere quomodo poterat? Hic iam fortuna populi Poloni desiderabatur, ut perdomitis longè lateque hostibus, pacata quiesceret: nisi perfidia Caroli, Sudermaniæ ducis, non satis sibi putasset Sueciæ Regnum intervertere, nisi idem perfidiæ virus in Livoniæ transferret: transtulit & infecit adeò, ut traiecto exercitu, totam ferè Livoniæ occuparet. Venit igitur in potestatem Caroli Livonia, provincia populi Poloni, non ita pridem, eodem duce Samoscio, ex potentissimo hoste, Moscoviæ duce, recuperata. Quid miremur prius, sceleratissimæ perfidiæ Sudermani: qui patruus, adversus filium ex fratre, sceleratum ac nefarium bellum suscepit: an furorem Suecorum, qui illum sunt sequuti: an potius pietatem incredibilem Ioannis Zamoscii, qui oblitus ætatis suæ senilis, oblitus fractæ iam infinitis laboribus valetudinis,

letudinis , oblitus quàm longissimum iter iret, quàm omni miseria-
rum genere infestissimum , ibi se
totum tulit, vbi hostile incendium,
patriæ damnum, Poloni nominis la-
bem conspexit. Quod tamen sævis-
simum bellum modò non tertio pe-
datu , vt dicitur, confecisset : si illi
tantum cum hostibus, quamvis per-
fidis , quamvis temerarijs esset pu-
gnandum. Sed pugnatum est atro-
ciùs , cum fame, siti , morbis, algu,
& gelu sævissimo : atrociùs cum ex-
ercitu optimè merito , non optinè
habito. Provincia à Carolo ad in-
terneccionem devastata; hinc fames,
stipendia & supplementa exercitui
frequentius retenta quam data :
hinc discessiones. Videres, ô dolor!
ô pudor ! imperatorem fortissimum
Poloni exercitus , cum lachrymis
precabundum milites prensantem;
manerent , perferrent, obdurarent:
infectis rebus non abirent : videres
ipsum in oppugnationibus inter

media tela tormentorum volitantem: ictu globi truncatam frameam vibrantem: sub muros fortissimè tamen nitentem: in castris, sub pellis inter gregarios milites vilissimo cibo, sordidissimo foculo, senile corpus sustentantem: simul & imperatoris & militis munia obeuntem: ærarium quantum potuit præstantem: interim tamen provinciam conficiebat, hostes submovebat, arces ac vrbes munitissimas recipiebat, vbique victor redibat. Verum tamen huius belli sævitia confecit cum: hoc ille vltimum testimonium pietatis suæ in patriam reddidit, cum infracta quidem valetudine, sed victor tamen domum reversus obiit. Ah lugubre Volmarum, Felinum, Bialokâmienum, non es tanti nec tota Livonia! Sed Samoscio tanti erat mortem obire, dummodo ciues à perfidia & violentia hæretica, patriam & Regem à dedecore & damno liberaret. Quid interest inter

ter, non dico, Codrum & Decios, qui se pro populorum suorum salute morti devoverunt: sed inter eos, qui veræ religioni, contra falsam, sanguine fuso testimonium reddiderunt: unde & martyrum nomen invenerunt. Breviter, non pro rerum magnitudine, sed pro temporis necessitate, bellica eius facinora memoravi: quæ illum summum fuisse imperatorem declarant. Sed quoniam bellicas laudes solent quidam extenuare verbis, easque detrahere ducibus, communicare cum militibus, ne propriæ sint imperatorum: ad eas venio, quæ socium habent neminem: ex quibus nihil centurio, nihil præfectus, nihil cohors, nihil turma decerpit: quæ sunt maximæ: prudentia summa in gerenda Reipub. cuius illa sunt duo maxima capita: vnum, quod semper ille totum corpus Reipub. curabat, alterum, quod sic tuebatur utilitatem civium, ut quicquid ageret, ad eam referret:

oblitus commodorum suorum. Solent alii vni parti Reipub. consulerere, alteram deferere, aut negligere: solent regibus assentari, civium libertatem & commoda negligere: quinetiam aliqui perdere. Si rem perniciosissimam in Rempub. inducunt, seditionem atque discordiam: ex quo evenit, ut alii populares, alii regum studiosi sint & esse dicantur. Samoscius, & omnium regum Poloniae, cum quibus vixit, maiestatem semper sacrosanctè non solum amavit, coluit, observavit: sed etiam tuebatur: & Reipub. ac civium commoda atque libertatem acerrimè defendebat. Sapientissimè moderabatur hanc navim, veluti inter Scyllam & Charibdim: ne qua pars Reip. offenderet: ne quid detrimenti acciperet: ut tota integra, facta tectaque duraret: ut ad portum boni publici navigaret: ita libertatem patriae ac civium tuebatur, ut regiam maiestatem sacrosanctam

ſam haberet : ita rursus reges colebat, vt iura , leges , incolumitatemque Reipub. ſanctiſſimè custodiret. Non vnius, ſed vniuerſorum ſtudioſus erat : omnibus conſultum volebat: ſeditiones ac diſcordias odio habebat ; quod verum ac rectum erat, ſemper & prudenter ſentiebat, & liberè dicebat. Teſtantur hoc illius pro regum ſuorum incolumitate & maiestate , cum civibus dimicationes: teſtantur rursus ad reges fuſæ, nonnunquam cum lachrymis , cohortationes , preces , obteſtationes pro Reipub. vt eam ament , defendant , tucantur , obliti commodorum ſuorum. ſed etiam in extrema vitæ tegula quum ſtaret, id quod antiquiſſimum per omnem vitam habuit, moriturus, more ſolenni conſeſſus eſt , & ſupremis verbis proteſtatus, & tabulis mandavit teſtamenti. Verba eius audite. *Secundum Deum , inquit, maximè in terris , Sereniſſimos reges meos, & Rempub. non af-*

sentatorum more, sed sincerè colui : quibus fidem integram inviolatamque servavi: & eorum dignitatem foris, & libertatem charissimam domi semper habui. Qua in re certè nulla ex parte læsam conscientiam me habere, subiturus etiam Dei iudicium profiteor. Civibus meis quibusque, qui me læserunt ignosco, & ab iisdem mihi ignosci expeto. Pictatem erga patriam, observantiamque erga Regem, commendando: ut luxum & discordiam sugiant quàm maximè, & fæneratorum avaritiam publico consensu coerceant rogo. Pro me nihil aliud quam memoriam qualiumcunque meritorum meorum, postulo. Confido S. R. Maiestatem, patriam hanc nostram, quæ illum excepit, & aliis prætulit, ac suorum sanguine in regno confirmavit, constanter redamare: amor autem meus facit, ut eum vel currentem etiam hortari debeam. Privatim verò ab Maiestate Regia animum erga unicum filium ac domum meam, peto; cuius curæ, benignitati, & auctoritati, præcipuè eundem
filium

filium meum commendo, & quasi de manu trado, in sinuque eius depono. Si quis est, qui sentiat, aut dicat serenissimo meridie non lucere, idem dicet (sentire enim nihil potest) Samoscii merita esse obscura, monita autem & preces eius, ac vota non sanctissima. Utinam verò eorum, utinam ô Samosci compos fias: non dubium est, quin felix ac beata Reipub. sit futura. Quam etiam tum singulariter beavit, quum iudicia à regibus ad populum transtulit. Ille enim transtulit; qui auctor, inceptor, perfector, sapi. ntissimo ac fortissimo Regi Stephano Battoreo fuit, ut translata velet. Nam quum infesta vario genere bellorum Reipub. tempora essent: ille autem rex bellicosissimus nisi præsens vbique, defendendis finibus imperij adesset; pati non posset: iudicia, vel propter multitudinem actionum, vel propter fori, interdum vsque ad ultimos fines, in plures annos quandoque remo-

tionem: non modò cum magna difficultate, & temporum spatijs, sed etiam cum magno sumptu peragebantur. Vidit hoc Samoscius, & indoluit: protinusque Regi auctor fuit: vt potius mallet de maiestate & auctoritate sua regia detrudere, quàm de commodis civium. Hoc est, hoc Senatorem esse. Non magis igitur Stephani Regis, quàm Ioannis Samosci beneficiò, habetis iudiciorum tribunalia, ex equestri vestro ordine, instituta. Neque verò in publico solum hanc divinam animi æquitatem habebat, sed etiam privatim. Nunquam ille nisi adversus iudicatum hostem patriæ ferrum strinxit, nihil citiùs quàm privatas iniurias oblivisci solitus; quas oblivisci nefas putabat, non armis, quamvis poterat, (vt solent nunc plerique) sed iure persequabatur ac disceptabat. Vi neminem vnquam pressit: ab omnibus intestinis contentionibus alienissimus erat: de inimicis

micis, aut tacebat, aut honorificè loquebatur : à conviciis & maledictis abhorrebat. Quæ omnia ab excelso illius animo proficiscebantur. Hanc singularem illius animi magnitudinem, comitabantur illæ principes virtutes : magnificentia in agendo, munificentia in dando, constantia in perficiendo. Deum immortalem ! quid ille in vita egit, nisi magnum ? Non solùm ornamento, sed etiam munimento regnis & imperiis sunt vrbes. Contemplamini Samoscium, Sarogrodum, Ivvan-grodum, & alia oppida. Samoscium certè abhinc triginta annis conditum, cum qua vrbe Poloniæ, sive elegantia locorum, sive frequentia hominum, sive pulchritudine ædificiorum possit comparari ? murorum certè, qui circumducti sunt, & propugnaculorum insuperabili munimento, cum nulla potest comparari. Urbibus non solùm ornamento, sed etiam honestamento sunt templa,
muni-

munimento etiam arces; quid templo Samosciano magnificentius? siue materiæ, siue figuræ, ac formæ elegantia? quid arce elegantius? Verum & Vrbes, & templa, & arces horrent, & squalent, nisi sint homines culti, morati, sapientes. Huius rei gratia sapientissimus Samoscus instituit in eadem vrbe sua Academiam, cultissimum seminarium omnium bonorum, artium optimarum, scientiarum, virtutum: seminarium Ecclesiæ Dei sacerdotum: seminarium Reipub. bonorum civium: seminarium omnis generis hominum, omni ordini, conditionique huius imperij vtilium: lucem sapientiæ, quæ non solum huic Roxolaniæ parti, sed vbique gentium dux sit honestæ vitæ, magistra morum, officina virtutum. Ad hanc regendam, lectissima quæque ingenia, ex Academia Cracouiensi evocavit, honestissimis stipendiis collocavit, certis laborum præmiis, prout cuius-

cuiusque vitæ institutum postulat, auctoravit : & perpetua autoritate iuris firmavit, libertatibus, & immunitatibus, cùm à sanctissima sede Apostolica Romana, tùm à Serenissimo Rege, atque vniversa Repub. impetratis, non modò munivit, sed etiam ornauit: Hippeumque appellauit. Præter enim cæteras Academi-
as, quæ in hoc imperio reperiuntur, hoc Samosciana habet peculiare, quòd quanta quanta est, tota sic est conformata, vt equitum, hoc est, nobilitatis Polonæ institutioni sit accommodatissima, siue disciplinarum delectu, siue tradendi via, ac ratione. Scilicet sapientissimo illi homini, cui omnia viscera, & medullæ Reipub. nostræ fuerunt notissimæ, non facilè veniebat in mentem, quibus artibus iuuentus Polona conformata, utilis Reipub. efficiebatur, & quibus non. Vidit, vidit ille, ideo ex præfinito necessitatis civium Polonorum, totam
ratio-

rationem institutionis statuit, & ordinavit. Habent igitur reges, principes, habent primates & proceres in Samoscio, non solum quod admirentur, sed etiam quod æmulentur, & imitentur. Primatum est, principum, & regum, vrbes concedere: condebat Samoscus: templæ ædificare, ædificavit Samoscus: Academias instituere, instituit Samoscus. Denique, omnia, quæcunque præclara, & magnifica, partim perfecit, partim affecit Samoscus. Quæ laus solidior est in illo, quàm in alijs. In cœlum laudibus tollitur Franciscus Galliarum Rex: in cœlum laudibus tollitur Laurentius Medices Florentiæ princeps, quorum ille in Gallia, hic in Italia, eximia liberalitate in viros doctos, ex tenebris in lucem optimas literas evocarunt: magnoque non solum fructu, sed etiam gloria cives suos auxerunt. Et meritò tolluntur in cœlum laudibus. Quis enim est,
aut

aut esse potest Rex, sive princeps
laudatus, nisi hæc duo genera homi-
num foveat, promoveat, evehat:
fortem militem, & doctum virum:
alterum foris, alterum domi, miri-
ficè necessarium: qui id non faciat,
nec sibi vnquam, nec Reipub. vti-
lis, veræque laudis expers est futu-
rus. Fecerunt id ergo omnes lauda-
tissimi Reges, principes: sed tamen
Reges, & principes, partim ex com-
muni, partim ex amplissimis patri-
moniis liberales erant: noster Sa-
moscius nec nomine, nec opibus,
sed dignitate Rex, & princeps: non
publicas, sed proprias: non relictas,
sed quæsitæ propria industria opes,
largè, & alacriter, in Reipub. salute
collocavit. Considerate quæso, qui
privatis rebus propter commune
bonum non pepercit, quem eum in
publicis fuisse existimatis? Quæsitus
aliquando, quare huius loci, atque
ordinis homo, quod plerique om-
nes faciunt, nullos thymelicos &
sym-

symphonicos haberet, respondit :
Academicos Professores suos sym-
phonicos esse : Typographiam ve-
rò suam esse musicam. Quæ vox po-
test esse magnificentior? Scilicet ille
magno, & excelsò animo vir, nullum
acroama dulcius esse, quam sapien-
tiæ declarabat : nullam animi præ-
sentiore recreationem, quàm ab
honestis artibus, & scientiis sentie-
bat. Nec eum ratio fefellit. Hæc
enim symphonia, non solùm has re-
giones suavissima doctrinarum audi-
tione erudit, sed per vniversum
orbem terrarum delata, non modò
Samoscii, sed cum eo totius Polo-
niæ nomen, ac gloriam propagavit.
Populi enim Poloni laus est, esse in
Polonia Academies frequentiores :
vnde non modò discamus, sed etiam
doctissimas regiones doceamus, &
literarum monumentis augeamus.
Dicere solebat : si mihi tam dives
arca esset, ex qua cives Polonos om-
nes ditare possem, ditâsem; nunc
quum

quàm recta liberorum institutio
omni auro est preciosior, huius per-
ennem fontem aperui illis Acade-
miam, unde eam filii civium hauri-
re poterunt. Quæ illustrior, sive ad
honestatem, sive ad diuturnitatem
munificentia? Iudicate, vtrum fin-
gi, cogitariue aliquis possit, qui fa-
cultates suas pulchrius collocare po-
tuerit, quàm Samoscius collocavit.
Sed ad illas virtutes veniam, quæ
non adeò ex arcâ, quàm ex animo
depromptæ, causam earum sustinent,
ex quibus istæ tanquam ingenux
proles progenerantur. Ex qua enim
radice pullulasse putatis, tantos pro
Repub. pro bono communi, pro
hominum salute labores, sollicitudi-
nes, curas, vigilias, de ipsâ vitâ di-
micationes? Quanquam enim ma-
gna est virtutum, laborum, pericu-
lorumque merces, magnum præ-
mium commemoratio nominis,
sempiterna laus, & gloria rerum
præclare gestarum: cuius ille amo-

H

rem

rem honestissimum non solum confitebatur, sed etiam consecutus est: nec solum consecutus est, sed etiam orbis terrarum finibus terminavit. Verumtamen non his regionibus vitæ suæ spacium circumscribebat Ioannes Samoscius, non his limitibus cogitationes suas terminabat, maioris gloriæ stimuli animum illius concitabant: parui, & erronei animi esse ducebat, ut is, qui ad extremum spacium nullum tranquillum, atque otiosum spiritum duxerit, per exigui sæculi curriculum, tam leve præmium reportare satis existimaverit. Omnium igitur clarissimarum virtutum caput, & fontem solum, ac fundamentum habuit sanctissimam religionem, ac fidem vnicam Catholicam Romanam. Hanc solum credebat certissimè, ac verissimè, ostium esse vnicum ad gloriam immortalem: non hanc, ex testimonio hominum, licet bonorum, collectam; sed illam Dei Opt. Max. gratia

gratia ac dono collatam. Hac ille, tanquam regula, omnes actiones suas metiebatur: hac, ceu sœpimento, ac vallo, vallabat: pro hac perpetuò contra infidos, contra schismaticos, contra hæreticos, dimicabat. Huius extremo testamento unicum filium hæredem instituit, hisque verbis est alloquutus. *Te, charissime fili, non modò hortor, verum etiam obtestor: primum quidem, ut Deum & pietatem ante omnia colas: eamque, non modò potissimum, sed solum quasi bonum, aut omnium bonorum unicum fundamentum iudices: imprimis religionem Catholicam constantissimè tuearis, hereses, nova & dogmata, quaecunque, quocunq; etiam nomine obtrudantur, fugias: ac si fortè Regni amplissimi civem te leteris, ijs maioribus, qui meritis suis aliquam tibi nominis famam reliquerint: tantò magis præstantiore parente, Ecclesia Catholica latandum tibi statuas: que non modò tot Regum, atque principum, sed quod longè*

II præclarius, omnium sanctorum communis mater est: & in cuius gremio mori felicius est, quam ab initio nasci, cum non nasci satius sit, quam in hac non mori. Hanc etenim obtestationem illusterrimis operibus consignasti. Quod enim illustrius est opus hominis Catholici, quam integerrimam fide, spe fidissimam, charitate ardentissimam, obedientiam benevolentissimam, Catholicæ Ecclesiæ, hoc est, Deo ipsi, cum votis, supplicationibus, precibus, intimè adhærere? Quod maius opus, quam iuvandæ patriæ totum se dare, excitare afflictos, opem ferre egentibus, totum se vitiis hominum tradere? Quod verius opus, quam ita viventem, usque ad extremum vitæ spiritum, benè agendo non defatigari? verbis opus non est, luce sunt clariora omnibus, hæc omnia fuisse in Samoscio: in votis, suppliciis, precibus ad Deum fundendis, noctes, atque dies perseverabat ardentissimus: sacrorum, & rituum

tuum, quæ Ecclesia Romana probavit, observantissimus: in communionem sacramentorum frequentissimus: in operibus pietatis largissimus. Testantur pietatem templa, altaria, magnifico opere, ac sumptu constructa, preciosissimis apparatusibus ornata: testantur ordines, & collegia sacerdotum dotata: testantur donaria in subsidium pauperum, tam literis operas navantium, quàm civium legata: testantur ptochodochia ædificata, & munerata. Quod si ut sanctissimi homines senserunt, decretisque publicis sciverunt, utile, & necessarium est, esse seminaria, in quibus iuventus piè, ac sanctè, à ministeriis divinis futura, instituatur, Academia quoque Samoscensis in opere pientissimo illius iustissimè debet memorari. Cuius pietatis, quum non solum auditor, sed etiam spectator esset: nec spectator solum, sed admirator Clemens octavus Pontifex maximus, toties animum

hunc eius exosculatus, honorificentissimè scriptis literis laudavit, augustissimaque munera ex sanctuarij sui, imò totiùs cætus Christiani thesaurò deprompta, petenti dedit liberaliter: quibus nunc nova templa, novis gratiæ divinæ muneribus quasi animata, salutariùs à cætu Christiano frequentantur, & celebrantur. O divinam herois nostri pietatem, auditores, qui loca paullò ante horrida, & inculta, ferarum latibula, non solum frequentiâ hominum, sed, quod maius est, divini cultus studiis, fecit esse celeberrima. Præsciverat hunc, & prædestinaverat Deus Opt. Max. talem futurum: idcirco tanta illum felicitate beavit, quâ omnes nostrorum Imperatorum, omnes exterarum gentium, potentissimorumque populorum, omnes clarissimorum Regum res gestas superavit. Magnas res gessit Cyrus Persarum imperii conditor, Asiæ & totius orientis domitor: sed infelix demum,

demum, quum in foemineas insidias præcipitatus, exercitum & vitam simul perdidit : nulla talis in nostro offensio, semper victor, nunquam victus, usque ad extremum vitæ spiritum perduravit. Magnas res gessit magnus Alexander Macedo, imperii Græci auctor, Persici everſor : sed infelix : primum fortuna, deinde vino ebrius : commessator, amicorum charissimorum interfector, peregrè suorum insidiis obiit. Nostrum heroem, nec adversa fortuna unquam fregit, nec prospera inflavit : plus semper genio negabat, quàm indulgebat, imò quàm necessitati satisfaciebat : amicorum observantissimus, ab inimicis cautissimus. Potentissimus fuit populus Romanus virtutibus bellicis Scipionum, Syllæ, Pompeii, Iulii Cæsaris : virtutibus urbanis, Ciceronis, Catonis. Sed Samoscus felicior Scipionibus : quorum maior Linterni exulavit, maior à suis in cubiculo

est interfectus: felicior quàm Sylla, qui respersus sanguine suorum civium, crudelitati finem posuit, inopiam cedendorum: felicior Pompeio, qui civili bello victus, cuncho imbelli iugulum præbuit: felicior Iulio Cæsare: qui oppressor libertatis, everfor legum, tyrannus patriæ, civili ferro atrocissimâ morte obiit: felicior Cicerone, qui nullus prope in rebus bellicis, primum exul, deinde proscriptus, subiecit caput ferro interfectoris. Duabus tamen rebus similis: vna, quòd ambo fuerunt doctissimi & eloquentissimi: altera, quòd ambo libera Repub. Patres patriæ sunt appellati. Magnus autem Samoscius, rebus gestis æqualis Scipionibus, Syllæ, Pompeio, Iulio Cæsari, doctrinâ & eloquentiâ Ciceroni, & felicitate omnibus his superior: nunquam sanguinem civilem vidit: incolumem patriæ libertatem conservavit: illud in se convertit, quod de illo

Censorio

Censorio Catone proditum erat:
 fuit optimus civis & Senator, opti-
 mus Orator, optimus Imperator.
 Catonis tamen virtus, flamma invi-
 diæ adusta, conflagravit: Ioannes
 Samoscius, omnem invidiam virtu-
 te superavit. Iam fractâ valetudine
 ex Livonico bello rediit: neque ta-
 men hæc eum à salute Reip. est re-
 morata. Causâ Comitiorum VVar-
 schaviam ivit, sed quacunque ivit,
 omnis populus certatim effundeba-
 tur gratulabundus, conservatorem,
 patronum Poloniæ, Patrem patriæ
 salutando: tensis palmis in cœlum,
 vota & supplicia pro salute illius sus-
 cipiendo. Cui vnquam post Polo-
 niæ memoriam, talis triumphus con-
 tigit? Cantabatur cum plausu Cęsa-
 ribus Romanis ille versiculus:

*De nostris annis tibi Iuppiter augeat
 annos.*

Sed iâ non libera Repub. servorum
 & adulatorû servitus & adulatio, illas
 non veras, sed fictas voces extor-

H 5 que-

quebat. Ioannes Samoscus in Re^{pub.} liberrima, à liberrimis hominibus; Pater patriæ est appellatus: supra omnem invidiam caput extulit. Imò ex ipsa invidiâ clarissimum triumphum egit: omnium triumphorum decus. Rediit à Comitibus domum, debilissimo corpore, sed animo vegetissimo: sensit se ex huius vitæ statione evocari: ab illo summo omnium Imperatore: sacris Christianis se armavit: & iam funeris sui cantator ipse, tumulo suo, hæc verba concepit, & inscribi iussit: *Ioannes Samoscus, quicquid mortale habuit, hic deponi iussit.* Magno ac invicto, ut semper fuit, animo, inter sermones, de aternâ illa beatitudine, de præmiis bonorum, obdormivit. O lux Poloniæ extincta es: ô turris fortissima fracta es. Dum vivebat, duo hæc optabat: vnum, ut patriam liberam relinqueret: alterum, ut filium decurso artium optimarum curriculo, excultum & eruditum conspiceret.

spiceret. Nam hac etiam optatissima parentibus felicitate cumulatus est, Thoma Samoscio: qui susceptus ex illustrissima & lectissima coniuge Barbara, Comite à Tarnovv, non solum ore patrem refert, sed etiam indole & ingenio: mirifica memoriae capacitate, discendi celeritate, intelligendi acumine: vt illi pater non solum patrimonium, sed etiam gloriam hereditate reliquisse videatur. Vtrumque igitur consecutus est. Exantlatis enim sexaginta trium annorum laboribus, decursis honoribus, domitis hostibus, pacatis finibus, in libera Repub. mortuus est: alterum reliquit iis continuandum, quorum curæ domum suam vniversam commendavit: Georgio Samoyiski, Episcopo Chelmeni, Abbati Cervenecen. cognato & dilecto suo: Nicolao Zebrzydovvski Palatino Cracovien. ac Generali, affini suo: Marco Sobieski Palatino Lublinen. Stanislao Zolkievvski, Castel-

Castellano Leopoliensis. ac Præfector
Campestri exercituum Regni Polo-
niæ, laborum suorum in bellis alte-
ro Thesæo. Hi sapientiâ, virtute, ho-
noribus, ac rebus gestis, magni &
illustres viri, cum præceptoribus,
quibus ille dum vivebat institutio-
nem in literis bonis filii sui manda-
rat, nihil antiquiùs habent, quàm vt
ex præscripto parentis, & desiderio,
educetur, instituatur, erudiatur: &
qui nunc sunt in ætate tenellulâ,
annorum duodecim, profectus il-
lius in studijs humanitatis, ex his
non dubium argumentum sumitur,
fore vt existat dignus & patriâ & pa-
rente filius. Quum igitur ita habet,
quod non solum sapientissimi ho-
mines putaverunt, sed etiam sanctis-
sima religio Christiana confirmat:
qui patriam conservaverint, adiuve-
riunt, auxerint, certum esse in cælo,
ac definitum locum: vbi beati ævo
sempiterno fruuntur. Ioannes Sa-
molcius, qui omnibus dum vixit, à
Deo

Deo Opt. Max. muneratus fuit: patriam non solum iuvit, conservavit, auxit: sed vitam & spiritum pro salute illius effudit: in piis operibus facultates & vitam consumpsit: in hoc curriculo usque ad finem perseveravit: potestne cuipiam dubium esse, quin postquam mortuus est, coelo receptus, ævo sempiterno fruatur? Fruitur verò, & quod in vivis faciebat, orat obsecratque pro patriâ. Te verò, ô Rex Sigismunde, ô patria, ô cives, supernè alloquitur. Ego iam à vobis nulla præmia virtutis, nulla insignia honoris, nulla monumenta laudis postulo: memoriam laborum meorum & meritorum postulo: in me exemplum statuetis, quâ conditione posthac eos esse velitis, qui se pro salute vestrâ obtulerint, laboribus, periculisque omnibus: ne mentes, ne fraudes, ne tela importunissimorum hostium vobis nocere possint, ego providi: ne ipsimet vobis, ac mihi noceatis, vestrum

vestrum est providere. quamquam
 mihi nihil iam noceri potest : quid
 enim est, quod mihi iam ad vitæ fru-
 ctum possit acquiri? Sed vestri fru-
 ctus sunt, vestra laus, in vobis per-
 petuum præsidium esse, iis, qui dum
 vixerunt, perpetuum præsidium vo-
 bis fuerunt: hoc bonitas animi, hoc
 gratitudo, mater virtutum omnium
 postulat. Hæc ille à patria. A te ve-
 rò generosissime puer, non iam la-
 chrymas, sed vt memineris, quo &
 quali parente natus sis : quibus ma-
 ioribus : vt Patronos tuos ames, co-
 las, observes, studia literarum tra-
 ctes, Academiam hanc paternam,
 altricem iuventutis tuæ, ames,
 tuearis, augeas : vt dignus
 tanto parente filius
 inveniaris,

DIXI.



*Habita V Iunii A. C. MDCVI
 Zamoschii.*

Tumulus

MAGNI ZAMOSCI

DOLORE OMNIVM SVMMO
DENATI

III IVNI A. C. MDCV.

Qua nituit clara fecunda Polonia gemma,
Nunc Mors in gelido luxuriat tumulo.
Dicamne heroum exemplar, vitæde, SAMOSA
CVM?

Vix aluit maius Lechica terra decus.
Hic sibi, non Patriæ vixit satis, attamen, eheu
Quis vetet occiduas non periisse rosas?
Effundit mæstas natus cum matre querelas:
Iam satis, vt miseris temperet à lacrymis.
Cælo animam, terre liquit sua viscera mirū est
Hunc tumulum tantum condere posse virum.



